

外科正宗卷九

海甯許 捐書本

明崇川陳實功著 吳江徐大椿靈胎評

海甯蔣光煇寅昉校

囊癰論第四十

夫囊癰者。乃陰虛溼熱流注於囊。結而為腫。至潰後。畢丸懸挂者。猶不傷人。以其毒從外發。治當補陰清利。溼熱取效者。十有八九。近時人誤用疝家熱藥。多致熱甚為膿。徐曰此二語確甚慮難收斂。初宜龍膽瀉肝湯。龍膽

徐勒批曰
初太寒 稍久滋陰內托散外敷如意金黃散俱可

內消。又一種水疔。皮色光亮。無熱無紅。腫痛有時。內

有聚水。宜用針從便處引去水氣則安。此句徐圈批曰不可少此

法。如腫痛日久。內膿已成。脹痛者。可即針之。內服十

全大補湯。加山茱萸牡丹皮澤瀉治之。間以六味地

黃丸服之亦愈。

囊癰看法

初起不紅微腫。腎子引痛。不作寒熱。起坐自便者輕。已

成紅腫發熱。形色光亮。疼痛有時。飲食有味者順。已潰

膿稠腫消痛止。新肉漸生。不痛作癢。收斂者吉。潰後腐爛。囊皮脫落。甚者辜丸突出。能食不痛者順。初起堅硬紫色。日夜痛甚。小便不利。大便秘泄者重。已成堅而不潰。頭腐無膿。疼痛無時。常流血水者重。潰後膿口開張。腫痛不減。身發寒熱。睡臥不甯者重。

囊癰治法

初起寒熱交作。腎子腫痛。疼連小腹者。宜發散寒邪。已成紅腫發熱。口乾掀痛。小水不利。大便秘者。利之。已潰疼痛不減。膿水清稀。朝寒暮熱者。宜滋陰內托。潰後不

能收斂。日晡發熱。飲食減少者。宜養血健脾。潰後罌丸懸挂。不能收斂者。當外用生肌。內加補托。

囊癰治驗

一男子風寒未經發散。寒中腎囊。作腫痛甚。以萬靈丹洗浴發汗。寒邪頓退。又服四物湯加澤瀉。蒼朮。山梔。天花粉。外敷如意金黃散數次。而痊。

徐曰。此輕邪不成癰。

一男子囊腫甚大。脹疼不熱。按之軟而即起。此溼水流注。聚而不散。以披針導去黃水碗許。服導水消腎丸。

月餘而消。又以木香補腎丸服之不發。

徐曰。此溼腫之症。

一男子患此十餘日。腫甚脹痛。內膿已成。針之出膿碗許。服十全大補湯加澤瀉丹皮十餘劑而收斂。

一老年人素有疝氣。因怒傷肝。舉發疼痛。自服盤葱散熱藥。腫痛益甚。腎囊半邊堅硬。皮損紫黑。此欲腐爛見舉丸候也。余語之不信。尚欲內消。請他醫治之。內服龍膽瀉肝湯。外敷四黃散寒涼等藥。堅硬果腐。飲食少進。虛熱不睡。痛甚昏憤。又復請治。余曰。此症初

起似疝。實非疝也。凡疝小腹作疼。牽引腎子。多寒少熱。好飲熱湯。此症乃惱怒傷肝。陰虛溼熱爲患。其囊紅腫發熱。小便赤澀。內熱口乾。墜重作痛。是爲囊癰之候。初宜清利溼熱。此六字徐圈而反用疝家熱藥。已成

宜補陰。而又用瀉肝涼劑。老年氣血旣虧。攻補機關又誤。安得不殆。當養氣血固根本爲主。而佐以安神定痛之樂。接補元氣。死生在進退之間。尙可轉也。內服八珍湯。加麥冬五味子遠志丹皮。外以甘草湯淋潰腐處。將已壞黑肉盡行翦落。其辜丸已露。數日後。

因得補藥之力。前症漸退。飲食漸進。外腐已盡。腎子已突出大半。搽以玉紅膏。外用膏蓋。肌長漸收。調理半年外始安。

徐曰。若治之得法。一月必愈。

一男子腫痛十餘日。堅硬無膿。囊頭紫色作爛。此欲外腐。以蟾酥錠爲末。糝上膏蓋。二日腐肉脫下。搽玉紅膏。以太乙膏掩之。內服補陰滋腎藥而愈。

一男子慾後受寒。致陰囊牽引小腹作痛。惡寒發熱。診之脈緊數而無力。服五積散一劑。寒熱乃退。痛亦稍

止。更用八珍湯加肉桂丹皮澤瀉數服而愈。肉桂徐勒

囊癰主治方

清肝滲溼湯

清肝滲溼湯歸地山梔膽草天花粉

芎芩柴通澤瀉芩燈心甘草效如神

治囊癰肝經溼熱結腫小水不利發熱掀痛者。

川芎

當歸

白芍

生地

柴胡

龍膽草

山梔

天花粉

黃芩

各一錢

澤瀉

木通

甘草

各五分

水二茶鍾。燈心二十根。煎八分。食前服。

徐曰。不外此方。

滋陰內托散

滋陰內托散芎歸
角針澤瀉併山甲

白芍還兼熟地者
囊癰日久服相宜

治囊癰已成。腫痛發熱。服之有膿。即可穿潰。

當歸

川芎

白芍

熟地

黃耆

各一

錢半

阜角針

澤瀉

穿山甲

各五分

水二茶鍾。煎八分。食前服。

徐曰。通治此症之方。

導水消腎丸

導水消腎丸茅朮
更入木香共研末

木通肉桂炒牽牛
囊癰丸服不須憂

治內傷生冷。外受風寒。以致寒溼侵入囊中。小者如

升。大者若斗。皮膚頑厚。陽物短縮。小水不利。不痛多

冷。俗稱沙痞是也。宜服此藥引導水氣。日久漸消。不為廢疾。此方常驗。

茅山蒼朮

一斤米泔水浸切片炒黃

木通

半斤

肉桂

一兩刮去粗皮

牽牛

二兩微炒

不香

一兩

共為細末。陳米粉打糊丸如桐子大。每服百丸。空心白滾湯清米湯任下。忌生冷麪食。此囊雖夏月炎天亦以衣被覆之為妙。

徐曰。此方不可輕服。

灸偏墜法

偏墜灸法最為靈木腎盡頭為灸穴

候取天晴仰卧身灸之七壯自然平

候取天晴不犯人神日。患者平身仰卧。取木腎子根。下硬根盡處以墨點記。用安豆大艾炷。三年之內灸七壯。年久者灸九壯十一壯爲止。內服木香補腎丸。戒食生冷。兼忌房事百日爲妙。

木香補腎丸

木香補腎丸地精
丁香茴二香歸杞戟

棗膝蛇菟兔志苓
青鹽杜仲與人參

治偏墜。一名木腎。不疼不癢。漸漸而大。最爲頑疾。有妨行動。多致不便。灸後宜用此。可內消。此藥功效。不獨治疝。中年後宜服之。益壽延年。黑髮壯筋。填髓明目。聰耳補腎。助元陽。調飲食。其功不可盡述。婦人服

之。顏如童女。肌膚瑩潔如玉。又精寒血冷。久無嗣息者。服之更妙。

懷慶生地

四兩酒煮搗膏

兔絲子

肉蓯蓉

黃精

黑棗肉

打爛

牛膝

蛇牀子

微炒

茯苓

遠志

各一

兩三

錢

歸身

二兩四錢

丁香

五錢

大茴香

木香

各六

錢

枸杞子

一兩五錢

巴戟

杜仲

各一兩

青鹽

五錢

人參

五錢

右為細末。煉蜜丸。如梧桐子大。每服六七十丸。空心

溫酒送下。又諸疝不常舉發者。服之亦宜。

徐曰。此治腎經氣分之方。穩妥無弊。最可師法。

楣案肉蓯蓉蛇牀子遠志丁香大茴香木香巴戟

徐圈。

如意金黃散

見腫瘍門

治囊癰初起紅赤腫痛發熱墜重者用葱湯同蜜調

敷。夏月溼熱紅甚者。溫茶湯同蜜調敷妙。

囊癰應用方

萬靈丹

蟾酥錠

太乙膏

玉紅膏

俱見腫瘍門

十全大補湯

四物湯

俱見潰瘍門

五積散

見附骨
疽門

龍膽瀉肝湯

見下
疽門

懸癰論第四十一

夫懸癰者。乃三陰虧損。溼熱結聚而成。此穴在於穀道之前。陰器之後。謂之海底穴。初生狀如蓮子。少癢多痛。日久漸如桃李。赤腫掀痛。欲潰爲膿。破後輕則成漏。重則瀝盡氣血。變爲癆瘵不起者多矣。初起時。元氣壯實。宜用九龍丹瀉去病根。稍虛者。內消沃雪湯。利去溼熱。十中亦有三四可消。如十餘日後。腫勢已成。不得內消。宜托裏消毒散。加山甲。阜角刺服之。自

破如腫高光亮。膿熟不破頭者。用針急破之。穢膿一出。其患易安。如膿出之後。朝以六味地黃丸。午以十全大補湯。加牡丹皮。澤瀉。溫補滋陰。又有厚味膏。梁之人。氣體壯實者。初服龍膽瀉肝湯。潰服滋陰八物湯。以清蘊熱。體瘦房勞。氣血虛弱者。初服八珍湯。加澤瀉。炙甘草。潰後十全大補湯。加牡丹皮。熟附子。脾弱者。補中益氣湯。以滋化源。日久成漏者。國老膏。化湯吞服蠟磬丸。國老膏以下徐國批曰。此爲正方前諸方皆浮泛。首尾悞服寒涼。損胃傷脾。冰凝氣血。以致患孔漸開。穢膿不止。

者定成虛羸癆瘵。終爲難愈。

懸癰看法

初起如松子。漸大若梅李。紅赤腫痛光亮發熱者輕。已成高腫作痛。根腳不散。皮薄易破。膿成脹痛者輕。已潰膿稠而黃。氣味不臭。掀腫易消。痛止作癢者順。初起色紫堅硬。根腳漫腫。痛連臀膝。二便不利者重。已成腫如黃瓜。紫斑腐爛。穢水無膿。痛甚氣臭者逆。已潰穢膿不絕。瘡口開張。肉不紅活。虛熱食少者逆。

懸癰治法

初起寒熱如瘧。喜覆衣被。口乾好飲熱湯。宜發散。已成
掀熱作痛。內熱口乾喜冷。大便秘澀者。微利之。日久內
膿已成。不破。頭面脹痛者。急針之。法當補托。潰後膿水
清稀。虛熱不退。腫痛不消者。宜滋陰健脾。瘡口不斂。飲
食減少。餘腫不消。新肉不生者。峻補脾胃。

徐曰。看法治法亦與諸症同。

懸癰治驗

一男子結腫四日。作癢微痛。用九龍丹一服。利五六次。
其腫漸消。又用四物湯加花粉黃柏知母而愈。

徐曰。此輕症。

一男子患此十餘日。掀腫作痛。至晚發熱尤甚。又兼小水不利。服龍膽瀉肝湯三劑。小水稍通。微痛不止。此欲作膿。用托裏消毒散加穿山甲。皂角刺。澤瀉二服。而膿出。又服十全大補湯。月餘而斂。

一男子患此。腫甚脹痛。此內膿已成。針之。出臭膿碗許。疼痛頓減。服十全大補湯十餘劑。而飲食漸進。掀痛亦消。惟瘡口潰甚難合。間用炙甘草吞蠟礬丸。外以附子餅灸之。調理三月而愈。

一男子素有痰火。久服降下之藥。以致結腫疼痛。肝細而數。此陰虛溼熱流注而成。潰後必難收斂。辭不治。後果出臭膿不禁。日漸開大。發熱不止。飲食不進。強投溫中健脾補托氣血藥。終不效而死。

懸癰主治方

滋陰八物湯

滋陰八物湯生地 甘草 川芎 澤瀉等

赤芍 丹皮 花粉 歸 引用燈心實症宜

治懸癰初起狀如蓮子。紅赤漸腫。悠悠作痛者。

川芎

當歸

赤芍

生地

牡丹皮

天花粉

甘草節

各一錢

澤瀉

五分

大黃

便秘加一錢蜜炒

水二茶鍾。燈心二十根。煎八分。食前服。

徐曰：此治實症為宜。

炙粉草膏

炙粉草膏藥二般。歸身同熬膏日服。

甘草頗將水炙乾。懸癰腫痛自平安。

治懸癰已成。服藥不得內消者。服之未成者。即消已成者。即潰。既潰者。即斂。此治懸癰良藥也。大粉草四兩。用長流水浸透。炭火上炙乾。再浸再炙。如此三度。

徐曰：愈多。炙愈好。

切片。甘草三兩。當歸身三兩。水三碗。慢火

煎至稠膏。去渣再煎。稠厚為度。每日三錢。無灰好熱酒一大杯化膏。空心服之最妙。

徐曰。和平良劑。凡下體之疾皆治。

還元保真湯

還元保真湯四物
甘草黃耆枸杞同

參苓丹皮併白朮
附子肉桂澤瀉入

治懸癰已潰。瘡口開張。膿水淋漓。不能收斂者。

當歸

川芎

白芍

熟地

白朮

茯苓

人參

黃耆

各一錢

牡丹皮

枸杞子

各八分

甘草

熟附子

各五分

肉桂

澤瀉

各二分

水二茶鍾。煨薑三片。大棗三枚。煎八分。食前服。

徐曰。此補劑通用之方。附桂何得輕用。

滋陰九寶飲

滋陰九寶飲芎歸
花粉知母併黃柏

白芍黃連生地隨
大黃實火服之宜

治懸癰厚味膏粱蘊熱結腫小水澀滯大便秘結內
熱口乾煩渴飲冷及六脈沈實有力者。

川芎

當歸

白芍

生地

黃連

天花粉

知母

黃柏

大黃

蜜水拌
炒二錢

水二茶鍾煎八分空心服。

徐曰。此寒下之劑。非初起有實火者不可用。

楣案懸癰破後。往往成漏。不強治。亦不遽傷生。余
見一友患此二十餘年。後因他病而歿。全生集載。

初起未成膿時。用生甘草熟大黃各三錢。酒煎空
心服一劑即愈。余昔有一僕將隨同北上。先行之
三日。忽患此。一夜大如蒲萄。投以此方。果一劑而
消。此僕甫二十餘歲。甚壯實。當是溼熱結聚所致。
故奏效如神。虛人須斟酌。

懸癰應用方

托裏消毒散

見腫瘍門

腎氣丸

見肺癰門

十全大補湯

八珍湯

補中益氣湯

四物湯

俱見潰瘍門

內消沃雪湯

蠟礬丸

見腫瘍門

九龍丹

見魚口門

龍膽瀉肝湯

見下疳門

附子餅

見附骨疽門

腎癰論第四十二

腎癰生於小腹之後。位遠僻奧。氣亦罕到。血亦少來。凡生此者。溼熱凝滯結聚而成。毒必外發。庶不內攻。初起毒從五臟蘊積者。患必有頭紅熱。墜重如石。內必口乾發熱。宜內消沃雪湯通利積熱。外以膏貼瘡頂。四邊以如意金黃散敷之。拔出瘀膿紫血。內兼托藥。日愈。常有內服敗毒寒劑。外敷涼藥。氣血冰凝。毒氣不得外發。反致內攻。其瘡頭軟陷無膿。根腳平散不

痛。內熱口乾。煩躁譫語。痰喘氣粗。恍惚不甯者。俱爲不治。此症從毒積於內。目裏至表者。十有八九。而從風寒暑溼。自外至裏者。百中一二。旣出而復入裏者。終爲死候。

徐曰。治此疾與凡治下體之毒同。但須略加溫托之品。

臀癰看法

初起有頭。紅赤腫痛。頂高發熱。根腳高聳者。爲易治。已成掀熱發腫。疼痛有時。皮薄光亮。色紅易膿者。順。已潰

膿稠而黃。色如豬腦。腫消痛止。起坐自便者順。初起粟米形。或黃泡一點。平塌作癢。根腳散漫者重。已成色紫堅硬。臀腿俱腫。小便澀滯。日久無膿者險。潰後無稠膿。頂空根軟塌。手按不知疼。神昏無治法。

臀癰治法

初起惡寒體倦。喜覆衣被。脈浮緊而在表者。微散之。已成內熱口乾。好飲冷物。小水澀而大便秘者。通之。頂高色赤。掀痛發熱。疼痛有時者。宜托裏更兼解毒。腫已高而作疼。膿已熟而不破。脹痛難忍。宜卽針之。潰後堅硬。

不消。膿水不止。飲食無味者。宜補虛健脾。

徐曰。看法治法亦與諸症同。

臀癰治驗

一男子患此四五日。始覺疼痛。至晚作寒。六脈浮而帶

數。服人參敗毒散二劑。寒熱頓退。疼痛稍止。彼有公

事。急欲出門。乃用針點入癰頂五六分。流去紫血。徐曰

針不宜太早用蟾酥條插入膏蓋。徐曰蟾酥條亦不必服活血散瘀

湯二劑。紫血既去。便可行動。更服托裏藥五六劑而

安。

一男子患此六七日。掀痛發熱。口乾便燥。用托裏消毒散加花粉大黃二服。便通渴止。仍用前湯加角針山甲數服而膿潰。又服十全大補湯半月而斂。

一男子患此。堅硬不潰。此先用涼藥之過也。用十全大補湯加角針蒼朮丹皮四劑。堅硬漸軟。又服透膿散二劑。膿熟針之。仍用前湯倍參耆歸朮。月餘而斂。

一男子暑月患此。自以爲內毒。用老鴉藤搗爛敷之。每日續飲涼水十餘碗。徐曰自取其死如此三日。瘡毒內陷。平

塌冰冷。口噤不言。六脈虛細如絲。辭不可治。至夜而

死又一人冬月患此。外用四黃散涼水調敷。內服敗
毒涼藥。毒亦內陷。煩躁口乾。鼻掀氣急。瘡頭平塌。原
有一孔。無水無膿。亦辭不治。他醫皆言無事。余曰。臀
居小腹之後。肌肉頑厚。毒既到此。必須內托爲膿。潰
後最易收斂。今內外俱用涼藥。毒既內入。豈能再出。
眾醫強投內消解毒定躁除煩之藥。半月而死。

臀癰主治方

活血散瘀湯

活血散瘀湯枳殼
大黃雖用便通撤

蘇木紅花角歸芎
翹粉苓乳芍防風

治臀癰初起。紅赤腫痛。墜重如石。及大便秘澀。

川芎

當歸

防風

赤芍

蘇木

連翹

天花粉

皂角針

紅花

黃芩

枳殼

各一錢

大黃

二錢

水二茶鍾煎八分。食前服。便通者去大黃。加乳香。

徐曰實症可用藥亦太雜。

黃耆內托散

黃耆內托散黃耆金銀花與甘草節

山甲芎歸皂角刺
臀癰已成服之潰

治臀癰已成服前藥勢定者欲其潰膿宜服此。

黃耆

二兩

當歸

川芎

金銀花

皂角刺

穿山甲

甘草

各一錢

水二茶鍾煎八分。入酒一杯。食前服。

徐曰。此臀癰之主方。

臀癰應用方

內消沃雪湯

如意金黃散

人參敗毒散

托裏消毒散

透膿散

俱見腫瘍門

蟾酥條

見疔瘡門

十全大補湯

見潰瘍門

楊梅瘡論第四十三

夫楊梅瘡者。以其形似楊梅。又名時瘡。因時氣乖變。邪

氣湊襲。又名棉花瘡。

徐曰。形似棉花故名。

總由溼熱邪火所化。

但氣化傳染者輕。精化慾染者重。氣化乃脾肺受毒。其患先從上部見之。皮膚作癢。筋骨不疼。其形小而且乾。精化乃肝腎受毒。其患先從下部見之。筋骨多疼。小水澀淋。其形大而且硬。如氣化者毒在皮膚。未經入裏。宜服萬靈丹。洗浴發汗。解散皮膚之毒。精化者毒在骨髓。未透肌膚。宜服九龍丹。通利大小二便。以消骨中之毒。甚者二服皆可。行散之後。體實者升麻解毒湯。體弱者歸靈內托散。服至筋骨不疼。瘡根淡白。此二句徐國批曰此症總以毒盡爲度不可欲速內毒已解。方用點藥。

輕者半年。重則一載始愈。如患者欲速。妄用薰條擦藥。哈吸等法。必貽後患。宜熟思之。

楊梅瘡看法

初起無頭疼。筋骨不作痛。小水無澀淋。瘡乾細者輕。已生頭面稀少。口角無瘡。項下胸背雖多。穀道無者輕。初生瘡發下疳。次生魚口。筋骨疼痛。瘡發非祥。瘡生紅紫堅硬。手足徧生。形如湯潑泡狀。害非輕淺。

楊梅瘡治法

初起先澀淋。次筋骨作疼。後發瘡者。宜攻利。生後外無

疔瘡內無筋骨作痛。時氣所感者。微散之。瘡由交媾不
潔。先生下疳。小水澀滯不通者。當行導利。上部作癢瘡
多。宜消風清熱。下部作疼癢甚。宜瀉溼爲先。紅紫毒盛
瘡高。宜涼血解毒。淡白毒輕瘡薄。宜攻補兼行。手足皮
膚枯槁。鵝掌風生。柏葉二礬煎湯薰洗卽好。頭髮眉毛
脫。油風何須說。神應養真丹。早服掃疎脫。點點楊花癬。
片片癩風瘡。宜服換肌丸。效應加利掃。

楊梅瘡治驗

一男子患此兩月餘。自服敗毒涼劑不應。筋骨疼痛。此

表裏寒涼。毒沈難出。必以辛熱發之。此六字徐勒用

萬靈丹葱酒煎服。仍洗浴蓋之。先出冷汗如雨。次出熱汗。疼痛減其大半。以歸靈湯服至月餘。瘡勢始定。更服葶藶湯兼補中益氣湯。又兩月餘始全愈。

一男子小便白濁作痛。次出疔瘡。發腫作爛。筋骨微痛。

余曰。將發時瘡。彼不之信。請他醫以薰藥照之。薰藥

涂入

瘡似稍愈。而筋骨更疼。頭脹欲破。又復請治。紅點滿面。此火氣鬱遏難出。先用黃連解毒湯二服。瀉其火毒。次以蟾酥丸發汗。使其毒透出肌表。紅點漸漸成

瘡筋骨頭疼亦漸減。更以加味餘糧湯服至兩月。瘡始出盡。骨疼方止。又兼服解毒天漿散。至百日其瘡始退。又百日而平。

一女人因丈夫生瘡傳染。筋骨極疼。遇晚寒甚。服人參

敗毒散四劑。

人參徐勒批曰觀下文有如此毒氣在內何得先用人參

其寒乃退。

疼尙不止。又以萬靈丹發汗二次。方出點如豆大。頭

面及背肉無餘隙。此毒盛也。用防風通聖散二劑。通

利大小二便。去硝黃加皂角針金銀花又十餘劑。其

瘡小者如錢。大者若杯。氣穢作爛。起坐不堪。外以石

珍散糝。爛處令結疤。又爛又糝。內服加味遺糧湯。兩月餘。瘡始漸乾。輕者收斂脫痂。重者半年方愈。

一庠生患此月餘。欲求速愈。余曰。此非他恙可比。若速愈。必遺毒於後日。辭不敢治。更醫對曰。半月全愈。後

亦無患。聞言大喜。用水銀膽礬等藥。

此七字徐勒批曰大誤

搽

擦手足二心。半月果愈。隨後骨疼。諸藥不應。半年後。內毒方出。爛疼不堪。徧腿連串。並無一空。又二年。腿腳曲而不直。廢疾終身。又兼耳聾。全不聞聲。又一人。嫖妓生瘡。筋骨疼痛。余曰。升發方可。彼欲內消。他醫

謂用丸藥七圓可治。每用一圓。置炭上燃著。以口吸煙。此句徐勒至三圓。鼻流鮮血。至夜而死。又一妓者患此。欲其速愈。以照藥薰之。三日後吐鮮血數盆。亦死。此皆欲速。自取危亡。

楊梅瘡主治方

加味遺糧湯

加味遺糧湯木瓜
靈仙鮮卑通甘草

芎歸防苳朮銀花
人參一味氣虛加

治楊梅瘡初起。筋骨疼痛。及已成數月。延綿不已。并楊梅風毒。誤服輕粉。癱瘓骨疼。不能動履。

川芎

當歸

防風

薏苡仁

木瓜

金銀花

木通

白鮮皮

蒼朮

威靈仙

各一錢

甘草

五分

皂莢子

五箇切
片微炒

仙遺糧

二兩
即俗

稱土茯苓是也

人參

瘡久氣虛者加此味徐勒批曰不必

水二碗煎八分量病上下食前後服腿腳之下加牛

膝一錢病淺者一月可退病深者百日可痊忌牛肉

燒酒海腥煎炒此瘡發時多先起於下疳

此句預服徐圈

此方可以止其不發梅瘡也

徐曰此梅瘡主方

楣案薏苡仁金銀花白鮮皮威靈仙皂莢子仙遺

糧徐園。

解毒天漿散

解毒天漿散角針
芎歸翹粉銀花草

二防鮮皮膝風藤
瓜蛻米仁土茯苓

治楊梅瘡不問新久遍身潰爛及筋骨作疼者。

天花粉

二錢

防風

防已

阜角針

白鮮皮

連翹

川芎

當歸

海風藤

木瓜

金銀花

蟬蛻

米仁

各一錢

甘草

五分

土茯苓

二兩

牛膝

下部加一錢

水二碗煎入分臨服入酒一杯量病上下服之。

徐曰與前方相同。

升麻解毒湯

升麻解毒湯三味
加味臨時更斟酌

升麻角針土茯苓
麻油攪服要和勻

治楊梅瘡筋骨疼痛久而不愈。及治遠年近日流注
結毒皮肉破爛。咽喉損破者。用升麻新鮮皂角針各
四錢。上白土茯苓一觔。項以上加白芷。咽內加桔梗。
胸腹加白芍。肩背加羌活。下部加牛膝。各一錢。用水
八碗。煎至四碗。作四次一日服盡。每次頓熱。加麻油
三茶匙和勻。量病上下食前後服之。瘡甚者不過十
服。

徐曰。此治初起輕病。

歸靈湯

歸靈湯中四物宜
米仁參朮銀花粉

瓜防牛膝白鮮皮
草芷靈仙土茯苓

治楊梅瘡不問新久。但元氣虛弱者宜服此藥。

川芎

當歸

白芍

熟地

米仁

木瓜

防已

天花粉

金銀花

白鮮皮

人參

白朮

各二錢

甘草

五分

威靈仙

六分

牛膝

丁部

加五分

土茯苓

二兩

水三碗。煎二碗。二次量病上下食前後服之。渣再煎

八分服。

徐日亦重出。

防風必效散

防風必效散防荆
角針木通甘番白

槐蒼翹藤鮮芷銀
瓜粉大黃土茯苓

治楊梅瘡溼熱太盛瘡高稠密元氣素實者。

防風

防已

荆芥

白鮮皮

連翹

槐花

蒼朮

阜角針

海風藤

木通

白芷

花粉

木瓜

金銀花

番白草

各一錢

甘草五分

土茯苓四兩

大黃初起加
三錢

水三碗煎二碗二次服渣再煎一碗服後飲酒一大

杯即靜睡一時許更妙。

徐曰。意重前。惟大黃一味。毒甚者可採用。

金蟾脫甲酒

治楊梅瘡不拘新久輕重皆效。好酒五斤。用大蝦蟆一隻。浸酒封瓶口。煮香二枝。取起待次日。隨量之大小。以醉爲度。冬夏蓋暖出汗爲效。存酒次日只服量之一半。酒盡瘡愈。又治楊梅結毒。筋骨疼痛。諸藥不效者。更妙。服酒七日後。不可見風爲要。忌口及房事。百日絕根矣。

徐曰。此等單方。必試而後可用。

翠雲散

翠雲散中用銅綠。乾用膽調溼末糝。

膽礬輕粉石膏加梅瘡一點便生疤。

治楊梅瘡已服內藥根脚不紅瘡勢已退者。

銅綠 膽礬名五錢 輕粉 石膏煨各一兩

共研極細。瓷罐收貯。溼瘡乾。糝乾瘡。公豬膽汁調點。

三日點三次。其瘡自乾而愈。

徐曰。此收溼方。但極痛。亦各有所宜。非必效也。

楣案銅綠徐圈。

又點藥方 點藥方中用杏仁 雄黃輕粉共研勻
豬膽汁調瘡上點 何愁結毒更相侵

杏仁 四十九粒 去皮尖 雄黃一錢 輕粉三錢

先將杏仁搗細。加雄黃輕粉細末。再研勻。豬膽調點。

徐曰。此方頗穩。亦有不效者。

鵝黃散

鵝黃散用真輕粉等分爲末。搽爛瘡。

石膏黃柏要稱準。楊梅腐痛最安穩。

治楊梅瘡潰爛成片。膿穢多而疼甚者。

石膏

煨

輕粉

黃柏

炒

以上各等分。爲極細末。乾糝爛處。即可生疤。再爛再糝。毒盡乃愈。此解毒止痛收乾之效藥也。

楊梅瘡應用方

萬靈丹

黃連解毒湯

俱見厘瘍門

人參敗毒散

防風通聖散

俱見時毒門

蟾酥丸

見疔瘡門

補中益氣湯

見潰瘍門

九龍丹

見魚口門

神應養真丹

見鶴膝風門

祛風換肌散

見風癰門

柏葉二礬湯

見鵝掌風門

結毒論第四十四

結毒者。薰火收遏瘡毒。而沈於骨髓。又有未經薰擦。見

苗未久。服藥不多。內毒未盡。便用點藥。收斂鬱遏。毒

氣者。亦能致之。發則先從筋骨疼痛。

此四字徐園

自後漸

漸腫起。發無定處。隨便可生。發在關節中。

此三字徐園則

損筋傷骨。縱愈。曲直不便。發於口鼻。則崩梁缺唇。雖

痊破形更相發於咽喉者。咽喉更變聲音發在手足

者。手足妨於行走。原來情關一錯禍起百端。此二句

苦楚一生。毒遺數代。初起筋骨冷痛。金蟾脫甲酒發

汗自愈。虛弱者。芎歸二朮湯。頭疼欲破者。天麻餅子。

併吹鼻碧雲散。年餘流串筋骨不愈者。五寶散。虛弱

潰爛疼痛不斂者。十全大補湯。同土茯苓煎服。初起

筋骨痛甚者。雷火針法。此四字徐勤批曰不切已潰腐爛者。解

毒紫金膏依法施治。年遠毒盛者。立武丹兼外搽靈

藥。年近毒淺者。只在百日自然可愈。毋得再薰。此句徐圈

爲禍傷人耳。看法治法。本論已詳。不復重出。

結毒治驗

一男子因薰藥之過。六年後兩腿骨痛。半年始腫。以雷

火針

雷火針徐勒批曰不切

腫小者一處。腫大者三處。七日後

作膿腐潰。內服仙遺糧湯。兩月餘。疼漸止。腫亦漸消。

又兩月。方得腐盡肌生。更服十全大補湯三月而斂。

一男子玉莖患此半年。陽物已損七八。遇一方士以薰

藥照也。

薰藥徐入

流血不止。人似鬼形。余曰。毒發已傷元

氣。再薰一次。一遍血得熱而妄行。此有限之物也。去

外科正宗卷九
至益許。恐其難保。先以四物湯兼黃連解毒湯合服。

二劑。其血乃止。更用八珍湯加麥冬五味子。

五味子 徐勒

黃柏知母十餘服。元氣乃定。外以甘草湯浴洗。銀粉散搽之。如此月餘。氣血漸醒。紅肉漸生。陽物復長大半。仍用前湯加土茯苓二兩煎服。約四月餘乃愈。

一男子患此。頭疼欲破。至夜尤甚。苦楚不堪。自以解毒藥治之。不應診之。寸關脈細數而無力。此虛陽之火。

上攻。以補中益氣湯。

補中益氣湯 徐勒批曰 此豈治虛火上攻之方

加土茯苓

苓一兩服。至三劑。其疼漸止。又十餘劑全愈。

一男子患此。自膝以下腐爛無空。伏枕半年。內服芎歸二朮湯。外以甘草白芷歸尾葱白煎洗。三日一度。以解毒紫金膏搽之。如此三月餘。漸愈。惟不能步履。以史國公酒藥。史國公酒藥徐勒批日不切加土茯苓一斤。浸煮服。至半年始能步履。又一料行步如常。

一婦人患此。頭疼腕痛。診之脈滑而成。此痰毒相兼之病也。以天麻餅子服之。半月而頭疼愈。又用二陳兼四物加紅花升麻黃芩服至月餘全愈。

一男子頭額腐爛。外搽解毒紫金膏。內服葶藶湯。兩月

餘而斂。又一人小腿患此年餘。亦用前藥而愈。

一婦人咽間損壞半年。湯藥難下。幾死。內服結毒紫金

丹。外吹結毒靈藥。一月內全愈。又一女人手膊頭背

腫痛。六七年不潰。

徐日太久必藥誤

諸藥不應。亦服前藥而

安。

一男子咽喉腐爛。余令內服遺糧湯。外用解毒生肌藥。

彼以為緩。用薰藥照之。

薰藥徐入

口爛幾死。大便純下黑

血。遍身浮腫。飲食不進。肌破三月而死。

結毒主治方

仙遺糧湯

仙遺糧湯荆芷防
蒺藜靈仙梔膝草

銀花花粉葛芎當
芩連翹共水煎嘗

治楊梅結毒初起筋骨疼痛已破肌肉潰爛者。

仙遺糧

防風

荆芥

川芎

當歸

天花粉

金銀花

白蒺藜

薏苡仁

威靈仙

各一錢

山梔

黃連

連翹

乾葛

白芷

甘草

黃芩

各六分

牛膝

下部加五分

水三碗煎二碗量病上下食前後服渣再煎一碗服

後飲酒一杯忌牛肉火酒房事等件更妙。

徐曰。治諸毒不外此方。

芎歸二朮湯

芎歸二朮湯防朴
木瓜阜刺豬精肉

獨活參苓薏苡仁
草甲銀通土茯苓

治楊梅結毒已成未成筋骨疼痛步履艱辛及潰後腐肉臭敗不能生肌收斂者。

白朮

蒼朮

川芎

當歸

人參

茯苓

薏苡仁

阜角針

厚朴

防風

木瓜

木通

穿山甲

炒獨活各一錢

金銀花

二錢

甘草

精豬肉

二兩

土茯苓

四兩

水三碗煎一半量病上下服之渣再煎服。

徐曰此即前方之意而雜亂無紀惟豬肉一味引

藥至肌肉。前人亦有此法。

消風脫甲散

消風脫甲散紅花
楓子薄藤銀阜刺

番白靈仙梔蛻瓜
翹通蒼朮草芥加

治楊梅結毒。筋骨疼痛。腐爛作臭。氣血壯實者。

番白草

紅花

甘草

威靈仙

山梔

蟬蛻

連翹

阜角針

大楓子

肉薄荷

海風藤

金銀花

冬瓜皮

木通

蒼朮

各一

錢

土茯苓

四兩

水三碗。煎二碗。二次服用。好酒一大杯過口。渣再煎。

服。

徐曰。此亦通治之方。

楣案番白草威靈仙蟬蛻大楓子海風藤冬瓜皮

蒼朮徐圈。

薰洗結毒方

薰洗結毒藥二般
任是腐瘡疼徹骨

蒼朮川椒共水煎
此湯一洗即安痊

蒼朮一兩。點紅川椒三錢。水五碗。煎至四碗。入罐內。將瘡對罐口。以熱氣薰之。半熱。傾藥盆內。淋洗瘡上。以潔淨布浥乾。搽後解毒紫金膏。

徐曰。此外治法。

解毒紫金膏

解毒紫金膏須記
細礬紅與淨松香

取功效效真容易
去腐生新方法異

治楊梅結毒。腐爛作臭。膿水淋漓。諸藥不效者。細塊
礬紅明淨松香各一斤。共碾極細末。麻油調稠。先將
瘡上用前湯薰洗潔淨。搽上此藥。油紙蓋上。以軟布
條緊扎。毋令血行。三日一換。如無前湯薰洗。只煎葱
艾甘草等湯。俱可洗換。又治諸毒頑腫等瘡。神效。愈
後忌發物煎炒。

徐曰。此方和平而有法。

神仙碧玉膏

神仙碧玉膏樟腦
乳香沒藥白蠟兼

輕粉杭粉功不小
豬油調搽腐爛好

治結毒潰爛臭穢疼痛不斂。及風腫等瘡。

及風腫等
瘡五字徐

輕粉一兩 杓粉二兩 白蠟五錢 乳香 沒藥各三

錢 樟腦二錢

用公豬淨熟油五兩。同白蠟熬化。傾入碗內。入上藥和勻。水內頓一時取起。臨用搥腳挑膏。手心中捺化。攤油紙上。用葱湯洗淨瘡。對準貼之。

五寶散 五寶散內用硃砂 乳珀冰珠飛麩加 土苓煎湯調末服 十服之後自然瘥

治結毒筋骨疼痛。口鼻腐爛。諸藥不效者。

滴乳石 如乳頭下垂敲破易碎亮 似蜻蜓翅者方真四錢 琥珀 珍珠

硃砂各二錢 冰片一錢

右各研極細。對準共爲一處。再研數百轉。瓷罐密收。用藥二錢。加飛羅麪八錢。再研和勻。每用土茯苓一斤。水八碗。煎至五碗。濾清。作五次。每次加五寶散一分。和勻。量病上下服。一日服完。十服自愈。如鼻子腐爛。每日土茯苓內加辛夷三錢煎服。引藥上下。忌食海腥煎炒房事等件。

徐曰。此末藥之主方。用此加減乃妙。

又曰。滴乳石有水火二製法。冰片用五分足矣。

結毒紫金丹

結毒紫金丹龜板飯丸酒下每一錢

決明硃砂一處碾功力勝於五寶遠

治遠年近日楊梅結毒筋骨疼痛日久腐爛臭敗不堪聞者。或咽喉唇鼻破壞諸藥不效者。

龜板

放炭火上炙焦用新安酒漿濃筆蘸漿塗上反復炙塗三次俟焦黃為末二兩

石決明

用九孔大者煨紅童便內漬之一次 硃砂 明亮者各末二錢

共再碾極細。爛米飯為丸。麻子大。每服一錢。量病上下。食前後。筋骨疼痛。酒下。腐爛者。土茯苓湯下。至重者。四十日而愈。此功力勝於五寶散。

徐曰。一方有甘草。

結毒靈藥方

結毒靈藥方水銀
加上杭粉共研末

硃砂雄黃硫黃精
糝於腐處效如神

治楊梅結毒腐爛作臭或咽喉脣鼻腐壞日甚者。

水銀

一兩

硃砂

雄黃

硫黃

各三錢

共碾細入陽城罐內。鐵蓋蓋口。以鐵絲兜緊用泥封

口。畱出蓋面。火煉三炷香為度。不住用水擦蓋內。勿

令乾。火畢。次日取出。蓋底靈藥約有一兩五六錢。治

尋常腐爛之症。靈藥五錢。輕粉五錢。和勻碾細。小罐

盛貯。紗封罐口。臨用甘草湯洗淨瘡上。將罐倒懸。紗

眼內篩藥糝之。用後單油膏藥蓋貼。一日一換自效。

男子婦人咽爛者。靈藥一錢。加入中白二分。研細吹之。日用三次。內服不二散。其疼即止。隨可飲食。

徐曰。此乃昇藥。恐防遏毒。毒清而腐不止。可用。

硫黃不二散。硫黃不二散最奇。喉內結毒疼且爛。飲食難下。服此宜。

治楊梅結毒發於咽內腐爛疼痛。湯水難入者。

硫黃一錢。 靛花五分。

共為細末。涼水一大酒杯調服。其疼即止。飲食可用。

徐曰。此等方亦必試而後用。

鉛回散。鉛回散用鉛半斤。詳之百遍水內沈。鉛盡取灰入硫末。以治結毒用意深。

治楊梅結毒。筋骨疼痛。朝輕夜重。喜熱手按揉者。用

鉛半斤。銅杓內化開。傾入水內。四字將鉛取起。再化

再傾。如此百遍。此二句鉛盡為度。候半日。待水澄清。

傾去。用鉢底內沈下鉛灰。傾在三重紙上。下用灰收

乾水氣。取起晒乾。與硫黃等分。研細罐收。每服一錢。

溫酒調服。至重者。不過三次。即效。

徐曰。此方甚穩。而有深意。

單油膏 單油膏藥用麻油 熬至成膏傾水內 杭粉將來漸漸投 護肌護肉不須憂

貼結毒藥上。用麻油二斤。熬至滴水成珠。續下炒

黃杭粉十三兩攪勻成膏。傾水內片時。取起攤用。

相案余遇人來索膏藥。不言陰毒陽毒。則以妙空

膏付之。其膏亦只用麻油。加入漂淨鉛粉黃丹二

味。膏成傾入水內。扯拔數十次。即可取用。

草薺湯 草薺湯蒲芷柏蒼 靈仙龜板草紅當
麻烏羌防參椒等 結毒筋疼皆可嘗

治結毒筋骨疼痛。頭脹欲破。及已潰腐爛者。

川草薺 二錢 苦參 防風 生首烏 各五錢

成靈仙 當歸 白芷 蒼朮 胡麻

石菖蒲 黃柏 各六分 羌活 川椒 各四分 龜板 一錢

五分 紅花二分 甘草五分

水二茶鍾煎八分。臨服入酒一杯。量病上下服之。

徐曰此治下體毒通用之方。意重前。

楣案川葶藶苦參黃柏龜板徐圈生首烏威靈仙

川椒徐△。

碧雲散

吹鼻碧雲散川芎再將青黛研為末

鵝兒不食草相同吹入鼻內有殊功

治結毒入於顛頂以致頭脹痛如破者。

鵝不食草一兩 川芎一兩 青黛一錢

共為細末。患者口噙涼水。以蘆筒吹藥疼之左右鼻。

內取嚏為效。

徐曰此藥治法不可不知。

結毒應用方

十全大補湯

補中益氣湯

四物湯

八珍湯

俱見潰瘍門

金蟾脫甲酒

見梅瘡門

天麻餅子

見頭痛門

雷火神針

見附骨疽門

史國公藥酒

見風溼門

二陳湯

見癩瘰癧門

黃連解毒湯

見疥瘡門

銀粉散

見下疳門

多骨疽論第四十五

多骨疽者由瘡潰久不收口。

此句徐圈

氣血不能運行骨無

榮養所致。細骨由毒氣結聚化成。大骨由受胎時精

血交錯而結。此句徐勒批曰皆老膿所結耳腎主骨。宜服腎氣丸十

全大補湯。批此二方徐勒批曰蠻藥先補脾腎。次用艾附餅灸之。

令溫暖腐毒。徐曰此別有方法朽骨自然脫盡。生肌斂口而

愈。

徐曰。外科全書云。患腫潰久。不時出細骨。用生桐

油調蜜陀僧如膏。絹攤貼妙。

多骨疽治驗

一男子。上腭腫痛。徐曰患者多在此處月餘。治以散風清熱藥。又

多骨疽

兩月。破流血水。百日外。方出細骨大小三十餘塊。用十全大補湯。併吹生肌散。兩月餘而斂。中有一小孔。簪腳大。通鼻透氣。致難全斂。爲愈而不愈也。

一男子左手。上膊結腫。年餘。方出爛斑。破流稀膿。又半年。方出多骨一條。如鵝膊骨。長約四寸。內服養血健脾藥。外搽玉紅膏。膏蓋。又月餘而斂。

一男子。小腿正面。廉骨腫痛。二年。諸藥不應。後破出骨一塊。肌肉腐爛。元氣虛弱。用十全大補湯。加山茱萸。牛膝。木瓜。服至兩月餘。不斂。每日以神燈照法。將火

氣助之。又出朽骨一塊。上有蛀眼數十。遂將二骨炭火煨紅爲末。入生肌藥中用之而斂。或問用骨何也。余曰。此骨原稟氣血結成。故用之復還元氣也。

一女人口左上牙根突腫如粟。堅硬如石。不痛。服藥不效。後三年始痛。破流臭膿。漸出多骨。形如小鼈。腫仍不退。稍久。又出小骨二塊。枯色磽礧。其腫方退。內服四君子湯。徐曰不切加升麻陳皮。外用甘草煎湯漱口。日搽生肌散三次而收斂。

多骨疽主治方

固本養榮湯

固本養榮湯四物
山萸白朮兼甘草

人參山藥併丹皮
肉桂黃耆五味宜

治骨疽已成。骨不吐出。或既出不能收斂。由氣血虛。脾胃弱也。宜服此。骨不出者自出。不收斂者自斂。

川芎

當歸

白芍

熟地

白朮

山藥

人參

牡丹皮

山萸肉

黃耆

各一

錢

甘草

肉桂

五味子

各五分

水二茶鍾。薑三片。棗二枚。煎入分。食前服。

徐曰。此方全不切病。

又曰。骨不出者自出。不收斂者自斂。此方必無此。

效。

又曰。治此疽亦與治漏瘡相同。

生肌散

生肌散內用二石
龍骨乳香及樟腦

輕粉血竭兼黃丹
乾糝患處口自完

治腐骨脫出。肌肉生腫。不能收斂。

石膏

輕粉

赤石脂

各一錢

黃丹

飛二錢

龍骨

血竭

乳香

樟腦

各三錢

右為細末。先用甘草當歸白芷各一錢煎湯洗淨患

處。用此乾糝軟油紙蓋扎。二日一洗一換。

徐曰。此大概生肌之品。不獨此症可用。

多骨疽應用方

神燈照法

玉紅膏

俱見腫瘍門

十全大補湯

四君子湯

俱見潰瘍門

腎氣丸

見肺癰門

陰瘡論第四十六

婦人陰瘡。乃七情鬱火傷損肝脾。溼熱下注所致。其形

不一。總由邪火所化也。陰中有挺出一條如蛇形尺

許。墜重流水。溺澀者。乃脾氣下陷。肝火從之。宜朝服

補中益氣湯。晚服龍膽瀉肝湯。外塗雄黃藜蘆散。其

患漸收。陰中突出如菌子。如雞冠。四邊腫痛者。乃肝

鬱脾虛所致。先以補中益氣湯加山梔茯苓青皮清
肝補脾。兼升中氣。更以歸脾湯加山梔川芎茯苓神香
附陳皮調理。陰戶忽然腫突作痛。因勞傷血分。溼火
下流。宜四物湯加丹皮澤瀉花粉柴胡治之。陰中生
蟲。蠱如小蛆者。乃心氣鬱而邪火所化。宜四物加黃
連膽草木通石菖蒲以通散心竅鬱滯。外以銀杏散
納入陰中。陰器外生疙瘩。內生細蟲。作癢不可忍者。
此蟲入食臟腑卽死。令人多發寒熱。與癆瘵相似。婦
人畏羞。都不肯說。因循日久。面黃肌瘦。身發寒熱。咳

嗽生痰。往往不治。如有此症。急與逍遙散吞蘆薈丸。早晚二服。外用銀杏散綿裹塞入陰中。殺蟲止癢。半月漸愈。陰戶開而不閉者。憂思過也。宜逍遙散歸脾湯。俱加柴胡。山梔。白芍。丹皮。間服。交接出血者。肝虛有火。不能藏血。四物湯加膽草。黃芩。山梔。柴胡。新交房事。傷而腫痛者。珍珠散。豬脊髓。調搽。又婦人久居寡室。淫火妄而又鬱。鬱而又妄。邪火久注。多致陰中作癢。生蟲。此蟲食人內藏。陰中腐爛。攻刺疼痛。臭水淋漓。口乾發熱。形削不食。有此症者。非藥能愈。終歸

於死。又名失合症也。

徐曰。此段所論應用諸方。皆浮泛不切。全無法度。雖有小益。總非切病之治。此等風氣。自薛立齋開之。以後遂不可挽回矣。此醫術之一變也。

陰瘡治驗

一婦人陰器腫痛。小水澀滯。遇晚寒熱交作。此肝經溼熱爲患。服龍膽瀉肝湯二劑。小水通利。又以四物湯兼小柴胡加天花粉木通炒山梔服之而愈。

徐曰。此溼熱輕病。

夕和正字卷九
一婦人發熱月餘。忽陰中突出如雞冠一片。此肝鬱脾
虛所致。內服補中益氣湯。加青皮山梔柴胡黃芩外
以甘草白芷蒼朮紫蘇煎湯。每日薰洗。十餘日。其患
漸小。仍用前湯。倍參朮。月餘而安。

一婦人陰中作癢。遇夜五心煩熱。作渴不睡。此思慮太
過。致心腎不交。內服四物湯。加龍膽草山梔黃連。知
母。外以銀杏散。納入陰中。三日。其癢漸止。朝服八味
丸。午服歸脾湯。加銀柴胡茵陳。月餘而愈。

一婦人陰器半邊腫痛。身發寒熱。口乾便秘。脈實有力。

服內疏黃連湯三劑。大便通利。口乾乃止。惟腫痛尤甚。此溼毒結聚欲爲膿也。用四物湯加角針澤瀉二服。膿熟脹痛。又用透膿散一服。出臭膿。鍾許。疼痛頓止。服八珍湯加丹皮澤瀉十餘劑而安。

一婦人肝經風溼下流。陰器浮腫癢甚。抓出血不痛。內服消風散加苦參膽草澤瀉木通山梔。外以蛇牀子湯薰洗。搽擦銀杏散十餘日。癢止腫消而愈。

一婦人孀居十餘載。陰器作癢生蟲。含忍不說。後陰器蝕爛。已食內臟。人形消瘦。發熱作渴。脈洪浮數。方請

醫治。詢問癢痛日久。陰器黑腐。小水不禁。此內臟已壞。不可用藥。彼苦求治。余曰。癢者蟲也。痛者損也。用鯽魚數枚。糝以香料。炙熟。以絲綿薄裹。納入陰中。夾之。良久。取出紅蟲。長者一寸。短者五六分。細如絲線。約有二十餘條。置溫水中。搖擺片時方死。其家歡悅。以爲可治。余曰。不然。再取。再有。生化無窮。強投養血清肝藥。終不應而死。

徐曰。此名蠹病。

陰瘡主治方

清肝滲溼湯

清肝滲溼湯龍膽木通滑石防風草

四物川芎地芍歸澤瀉翹連柴蒼梔

治肝經鬱滯邪火流行致陰腫痛或風熱作癢

川芎

當歸

白芍

生地

山梔

黃連

連翹

龍膽草

各一錢

銀柴胡

澤瀉

木通

各六分

滑石

二錢

蘆薈

五分

甘草

三分

防風

八分

水二茶鍾淡竹葉燈心各二十件煎八分食前服

徐曰此病主方

又曰蘆薈一味太苦不宜用恐傷胃

楣案龍膽草木通滑石徐圈。

涼營瀉火湯

涼營瀉火湯芩連柴胡木通茵陳草

四物山梔知母全麥冬龍膽大黃煎

治婦人懷抱憂鬱致生內熱小水澀滯大便秘結及陰中火鬱作痛亦如澀淋宜此瀉之。

川芎

當歸

白芍

生地

黃芩

黃連

山梔

木通

柴胡

茵陳

龍膽草

知母

麥冬

各一錢

甘草

五分

大黃

酒炒

二錢

水二茶鍾煎八分空心服便利去大黃。

徐曰。法同前。惟增大黃耳。

銀杏散

銀杏散內用杏仁
棗肉為丸綿裹塞

輕粉雄黃與水銀
陰中作癢效如神

治婦人溼熱下注。陰中作癢。及內外生瘡。

杏仁

去皮
尖研

輕粉

水銀

鉛製

雄黃

各一錢

右各為細末。共和一處。每用五分。棗肉一枚。和丸。用

絲綿包裹。留一綿條。撚線在外。用塌癢湯煎洗。藥裹

安入陰內。留線在外。如小便。取出再入。一日一換。重

者只四五枚。痊愈。仍兼服前藥。

徐曰。此外治主方。

楣案杏仁輕粉水銀徐圈。

塌癢湯

塌癢湯中用歸尾
苦參鶴蝨水同煎

靈仙狼毒蛇牀子
一洗能令搔痒止

治症同上。以此薰洗之。

苦參

威靈仙

蛇牀子

當歸尾

狼毒

各五

兩

鶴蝨草

一兩

用河水十碗煎數滾。濾清貯盆內。乘熱先薰。待溫後洗。臨洗和入公豬膽汁二三枚。更妙。

徐曰。此洗藥主方。

楣案苦參威靈仙蛇牀子狼毒鶴蝨草徐圈。

雄黃藜蘆散

雄黃藜蘆散鼈頭芎歸湯洗方搽藥

輕粉冰片共相投蛇菌雞冠自不留

治婦人陰中突出如蛇。或似雞冠菌樣者。

雄黃

一錢

葱管藜蘆

二錢碾細末

輕粉

鼈頭

焙黃色各一錢

冰片

二分

已上各研極細末。和勻再研。瓷罐收貯。先用芎歸湯煎洗。隨後搽藥。早晚二次。其患漸收。

徐曰。此搽藥主方。

楣案葱管藜蘆鼈頭徐圈。

芎歸湯

芎歸湯洗陰中癢白芷甘草與龍膽

蛇菌雞冠同此方併入芎歸水煮將

川芎

當歸

白芷

甘草

龍膽草

右各等分。每用五錢。煎湯浴洗患上。隨後搽藥。

徐曰。重前意。此方尤平淡。

陰瘡應用方

內疏黃連湯

透膿散

俱見腫瘍門

補中益氣湯

八珍湯

歸脾湯

四物湯

八味丸

俱見瀆瘍門

逍遙散

小柴胡湯

俱見癰瘰門

蘆薈丸

龍膽瀉肝湯

珍珠散

俱見下疳門

消風散

蛇牀子湯

見腎囊風門

卷九終

外科正宗卷十

海甯許 楣辛木訂

明崇川陳實功著

吳江徐大椿靈胎評

海甯蔣光燾寅昉校

傷寒發頤第四十七

傷寒發頤。亦名汗毒。此因原受風寒。用藥發散未盡。日久傳化爲熱不散。以致項之前後結腫疼痛。初起身熱口渴者。用柴胡葛根湯清熱解毒。患上紅色熱甚者。如意金黃散敷之。初起身涼不渴者。牛蒡甘桔湯

散之。患上微熱不紅疼痛者。冲和膏和之。腫深不退。欲作膿者。宜托裏消毒散。已潰氣血虛弱食少者。宜補中益氣湯。以此治之。未成者消。已成者潰。已潰者斂。用之最穩。

徐曰。此段所用之藥俱切病。此症宜辛涼疎散。最

忌太寒

柴胡葛根湯

柴胡葛根湯 花粉 石膏升麻併桔梗

甘草連翹牛蒡芩 傷寒頤毒用之靈

治頤毒表散未盡。身熱不解。紅腫堅硬作痛者。

柴胡

天花粉

乾葛

黃芩

桔梗

連翹

牛蒡子

石膏

各一錢

甘草

五分

升麻

三分

水二茶鍾煎八分不拘時服。

徐曰此症主方惟石膏花粉爲寒凝之品初起禁

用。

牛蒡甘桔湯

牛蒡甘桔湯赤芍加上川芎食遠服

花粉黃連蘇木陳傷寒頤毒卽時平

治頤毒表邪已盡耳項結腫微熱不紅疼痛者。

牛蒡子

桔梗

陳皮

天花粉

黃連

川芎

赤芍

甘草

蘇木

各一錢

水二茶鍾煎八分食後服。

徐曰。卽前方意。

傷寒發頤應用方

如意金黃散

托裏消毒散

沖和膏

俱見腫瘍門

補中益氣湯

見潰瘍門

痼發第四十八

痼發乃天時不正之氣所感而發。非毒內作也。此患多

生於手足掌心。或腰腿臀下伸縮之處。漫腫無頭。憎

寒發熱。四肢沈重。煩渴為甚。

以上六句徐逐句斷圈

初起宜服

萬靈丹發汗解表。腫仍不消者。必欲作膿。托裏消毒

散兼蠟礬丸間服。以後俱照潰瘍法治。

徐曰。此症人多不識。各人自造一說。用藥亦各人各樣。雜藥亂投。往往致死。而人總不知也。

又曰。此等最難識。乃溼熱之症。卽所謂無名腫毒也。以消痰利溼爲主。

痼發應用方

萬靈丹

托裏消毒散

蠟礬丸

俱見腫瘍門

癩疽第四十九

癩疽一名蛇瘡。川廣烟瘴地面有之。初出先作紅點。次

變黑色。腐爛筋骨。小者如粟如豆。大者如梅如李。發無定處。初用蟾酥餅膏貼。寒熱交作者。黍米寸金丹。或飛龍奪命丹亦可。紅腫遊走不定者。真君妙貼散。加雄黃敷之。自然截住。破後脾胃虛弱。食少乾嘔者。補中益氣湯加黃連麥冬。補而不應。腫高疼甚。惟出清水穢汁者。不治。

徐曰。此症江浙所無。

癰疽應用方

飛龍奪命丹

卽蟾酥丸加金頭蜈蚣二條

黍米寸金丹

眞君妙貼散

見腫瘍門

補中益氣湯

見潰瘍門

小腹癰第五十

小腹癰乃七情火鬱。以致脾虛氣滯而成。其患小腹漫

腫堅硬。肉色不變。有熱漸紅者。屬陽易治。無熱不紅

者。屬陰難治。初起七日以前。用艾當腫頂灸七壯。膏

蓋首尾內服健脾胃養氣血行經補托之劑。可保終

吉。如誤用剋伐攻利涼藥者。敗症必出。十全大補湯

倍加參耆薑附以救之。

此句徐勒批曰亦是蠻藥不切

內腐深陷者

玉紅膏長肉收斂。補托不應者。雖愈終久成漏。

小腹癰應用方

十全大補湯

玉紅膏

俱見潰瘍門

徐曰。以上有症無方者。即于諸症之中。擇其切病者用之可也。

鶴口疽第五十一

鶴口疽乃三陰虧損。督脈之經濁氣溼痰流結而成。其患發在尾間之穴。高骨頭尖。初起形似魚脰。久則突如鶴嘴。朝寒暮熱。日輕夜重。潰後稀膿出而無禁。又或鮮血出而不停。凡發此者。壯年猶可。老年可慮。初

起宜滋陰除溼湯和之。已成未潰者。和氣養榮湯托之。潰而不斂者。滋腎保元湯補之。久而成漏者。琥珀蠟礬丸兼先天大造丸服之。甚妙。

徐曰。因各不同。不僅三陰也。

滋陰除溼湯

滋陰除溼湯知母骨皮貝母兼澤瀉

白芍芎歸熟地芩還甘草與柴陳

治鶴口疽初起朝寒暮熱。日輕夜重。如瘡等症。

川芎

當歸

白芍

熟地

各一錢

柴胡

黃芩

陳皮

知母

貝母

各八分

澤瀉

地骨皮

甘草

各五分

水二茶鍾。薑三片煎八分。食前服。

徐曰。此通治之方。不切此症。

楣案熟地徐勒。

和氣養榮湯

和氣養榮湯尤者丹皮當歸併甘草

參苓熟地共陳皮沈香一味用亦宜

治前症已成。不得內消者。宜此藥托之。

人參

陳皮

白朮

黃耆

茯苓

丹皮

當歸

熟地

各一錢

沈香

甘草

各五

分

水二茶鍾煎八分。食前服。

徐曰。破後膿多可服。

滋腎保元湯

滋腎保元湯杜仲歸苓萸肉併甘草

參耆朮附桂丹皮棗薑熟地總堪施

治前症元氣虛弱。膿水淋漓久而不斂者。

人參

黃耆

白朮

茯苓

歸身

杜仲

山萸肉

丹皮

熟地

各一錢

附子

肉桂

甘草

各五分

水二茶鍾。薑三片。棗二枚。蓮肉七枚。食前服。

徐曰此方亦太蠻。

鶴口疽應用方

琥珀蠟礬丸

見腫瘍門

先天大造丸

見流注門

龍泉疽虎鬚毒第五十二

此二毒乃任督二脈分合行布。驟被外邪所搏而成。龍

泉疽發在人中之間。虎鬚毒生於地角之上。初起疙

瘩。次生腫痛。漸發寒熱。甚者惡心乾嘔。腮項俱腫。此

疔忌灸。

此句徐圈

初起宜線針挑破患頂。

此七字徐圈批曰獨此症當挑

以蟾酥餅放上膏蓋。使毒有門而泄。四邊掀腫。用如

意。金黃散圍之。內有表症者。荆防敗毒散加芩連牛

蒡子。裏症內疏黃連湯已成。欲其作膿。芎歸內托散。

膿成脹痛者。針之。此七字徐圈批。日膿成乃可針。即愈。潰膿後只宜

膏藥換貼。其口易完。此症多生於元氣壯實者。故多

不必服藥自愈。

徐曰。此等症近于疔毒。當以治疔之法治之。

芎歸內托散 芎歸內托散陳皮 桔梗花粉生黃耆 茯苓甘草銀花等 虎毒龍泉服最宜

川芎 當歸 陳皮 茯苓 天花粉

桔梗 銀花 黃耆 各一 甘草 五

水二茶鍾。煎八分。食後服。

徐曰。此方亦平妥。

龍泉疽虎鬚毒應用方

如意金黃散 內疏黃連湯

見腫瘍門

荆防敗毒散

見時毒門

石榴疽第五十三

石榴疽者乃少陽相火與外淫相搏而成其患生在肘

尖上一寸

此句徐圈批曰此亦奇症

初起一點黃粟小泡根便開

大色紅堅硬腫如覆碗皮破泛出疊如榴子令人寒

戰猶如重瘡初起即灸九壯

此句徐圈

內服蟾酥丸發汗

以解蘊毒灸頂上蟾酥餅貼之膏蓋掀腫處金黃散

敷之內服菊花清燥湯琥珀蠟礬丸煩躁熱甚者護

心散。金液戊土丹。九日後。患上作膿稠黃。疼痛稍減。表裏症退。飲食微進者。可保無虞。反此為逆。潰後元氣虛弱。雜症相兼者。照癰疽調理法治之。

徐曰。此症初起易忽。已成則無人能識。此篇治法

最良

菊花清燥湯

菊花清燥湯生地
柴芩甘草升麻等

知母芎歸地骨皮
犀角門冬白芍宜

甘菊

二錢

川芎

當歸

知母

貝母

白芍

生地

麥門冬

地骨皮

各一錢

升麻

犀角

甘草

柴胡

黃芩

各五

分

水二茶鍾。淡竹葉燈心各二十件。煎八分。食後服。

徐曰。此病主方。

石榴疽應用方

蟾酥丸

見疔瘡門

琥珀蠟礬丸

護心散

如意金黃散

俱見腫瘍門

金液戊土丹

見脫疽門

穿踝疽第五十四

穿踝疽乃足三陰溼熱下流停滯而成。初起內踝腫痛。

疼徹骨底。舉動艱辛。甚則串及外踝通腫。有頭者屬

陽易破。無頭者屬陰難潰。此二者初起必寒熱交作。宜荆防敗毒散加牛膝散之日久膿成脹痛者針之。腐而不斂孔大者玉紅膏培之。形體虛弱者補之。此症若不早治久成廢疾。

徐曰。治法總與諸症同。擬用木瓜赤苓澤瀉獨活防已甘草黃柏蒼朮連翹牛膝威靈仙槐米赤芍川萆薢等藥爲治。

穿踝疽應用方

荆防敗毒散

見時毒門

玉紅膏

見腫瘍門

大麻風第五十五

大麻風乃天地間異症也。但感受不同。有體虛之人。因驟被陰陽暴晒。露霧風雨之氣所侵。感之不覺。未經發泄。凝滯肌膚。積久必作。有房慾後體虛。爲風邪所襲。或露臥當風。睡眠溼地。或洗浴乘涼。希圖快意。俱能致之。其患初起。麻木不仁。次發紅斑。久則破爛。浮腫無膿。其症最惡。故曰皮死麻木不仁。肉死刀割不痛。血死破爛流水。筋死指節脫落。骨死鼻梁崩塌。有此五症。俱爲不治。又曰心受之先。損於目。肝受之面。

發紫泡。脾受之。徧身如癩。肺受之。眉毛先脫。腎受之。足底先穿。又爲五敗症也。總皆風溼相乘。氣血凝滯。表裏不和。臟腑痞塞。陽火所變。初起麻木不仁。肌肉未死者。宜萬靈丹洗浴發汗。以散凝滯之風。後服神應養真丹。加白花蛇等分。久服自愈。年久肌破肉死者。先用必勝散。疎通臟腑。次服萬靈丹。每日酒化一丸。通活血脈。服至一月。換服苦參丸。輕者半年。重者一載。漸愈。或兼服酒藥。戒房事。厚味。動風等件。可保不發。

徐曰。此症總屬不治。遷延歲月則有之。然患此者絕少。若稍似風症。並非真風。醫者竟以治風之惡藥治之。反傷敗氣血。變成風症。此等最多。不可不知。

楣案王君士雄謂此證粵閩江右甚多。內因淫火蘊毒。熱極生風。外因山嵐惡障。毒風交互之邪。俞理初癸巳類稿與梅瘡同論。得其旨矣。徐氏以爲絕少。但指江浙言也。

萬靈丹

見腫瘍門

治大麻風初起麻木不仁。或既久皮膚破裂。手足拳攣。肢體不便。但未指脫足穿者。

必勝散

必勝散中用大黃借問將何調末服

白牽檳榔共粉霜生薑搗汁水和糖

治大麻風血熱秘結。臟腑不通。宜用此藥利之。

大黃

檳榔

白牽牛

各一錢

粉霜

五分

右各為細末。年壯者作五服。中年久虛者作七服。用

生薑四兩搗汁。赤砂糖三錢。加水一大杯。三味和勻。

臨睡時腹中稍空。頓溫。通口服之。即睡。至三更偏身

麻木如針刺。頭目齒縫俱痛。此藥尋病之功已達。行

出大小二便。或青白黑黃。又或紅蟲之類。此乃病根也。一月內服藥三次。漸痊。眉髮俱生。肌膚如舊。齒縫有血。宜漱後藥。

徐曰。大麻風本無愈理。如此峻劑。徒傷人耳。

漱藥方

漱藥方中藥二般。水煎加入些冰片。

黃連貫眾各三錢。齒縫何愁血似泉。

貫眾黃連各三錢。水二茶鍾煎至一盃。加冰片少許。每日陸續漱之。其血自止。忌動風油膩之物。

苦參丸

苦參丸內藥多般。新久麻風諸壞症。

品味難將一一刊。勸君久服自能安。

治大麻風。毋分新久。穿破潰爛。老幼俱可服之。

苦參 一斤 大楓子肉 六兩 荆芥 十二兩 防風

白芷 各六兩 全蝎 何首烏 白附子 枸杞子

威靈仙 當歸 大胡麻 川芎 蒺藜

大皂角 川牛膝 牛蒡子 獨活 各五兩 蔓荊子

風藤 羌活 連翹 蒼朮 天麻

杜仲 草烏 泡去皮尖 甘草 各二兩 人參 一兩 杏仁 二兩

白花蛇 二兩切 片炙黃

右藥共為細末。醋打老米糊為丸。梧桐子大。每服三四十九丸。溫酒食前後任下。避風忌口為妙。

徐曰。此症主方。其用藥總不外此。然服之亦未必得效也。僅能殺其大勢耳。

麻風藥酒方

麻風酒用歸防朮
葶麻子與白茅根

僵蠶苦杞芫羌活
鼈甲虎骨併牛膝

防風

當歸

虎骨

秦芫

羌活

苦參

牛膝

僵蠶

松節

鼈甲

蒼朮

枸杞子

白茅根

各三兩

葶麻子仁

一兩

用好雪酒二十五斤。將袋盛藥浸酒內。封壘口。煮香二枝。取起。水內浸一伏時。取服數杯。自效。

徐曰。亦可備用。

雄硫散

雄硫散內鳳凰皮
桃肉共和豬膽汁

山甲相兼滑石宜
眉毛脫落此堪醫

治大麻風眉毛鬚髮脫落作癢者宜此藥擦之。

雄黃

硫黃

鳳凰皮

即雞殼燒黃
存性各五錢

穿山甲

十片
炒黃

滑石

一兩

右各為細末。用半油核桃肉一兩搗爛。同公豬膽汁一箇。并前藥和勻。用青紗包藥擦之。日用三次。其髮

漸生如舊。

徐曰。未必有效。

又擦麻風病面生紫塊疙瘩方

穿山甲

煨存性
研末

川椒

炒研末
各二錢

右用薑汁土大黃根汁調稠絹包擦之。如藥乾加水調擦亦效。忌動風發物等件。

翻花瘡第五十六

翻花者。乃頭大而蒂小。小者如豆。大者若菌。無苦無疼。指損每流鮮血。久亦虛人。以津調冰蠶散徧搽正面。上用軟油紙包裹根蒂細處。用線連紙扎緊。十日後其患自落。換珍珠散糝之收口。又有根蒂如鼈頭棋子樣難扎。以前藥搽上。用麪糊綿紙封上二重。用心

勿動。十日外亦落。換糝珍珠散。

徐曰。此又一種最輕者。如真翻花。大如杯碗。膿血淋漓。無藥可治。乳岩卽此類也。

又曰。楊梅毒亦有此症。

翻花瘡應用方

冰蝨散

見癰瘡門

珍珠散

見下疳門

腋癰第五十七

腋癰。俗稱夾癰。此肝脾二經爲患。肝經血滯。脾經氣凝。共結爲腫。初起皮色不變。漫腫無頭。日久方疼。乃生

寒熱此患難消終必作膿未破者柴胡清肝湯已破者十全大補湯去肉桂加香附陳皮軟腫脹痛者針之膏貼徐日無膿亦可不針此症首尾溫補忌用寒涼

腋癰應用方

柴胡清肝湯

見鬢疽門

十全大補湯

見潰瘍門

脇癰第五十八

脇癰多從鬱怒肝火而發肥胖內實者鮮此症初起宜

梔子清肝湯柴胡清肝湯解鬱瀉火已成托裏消毒

散加青皮香附膿已成卽針之勿傷內膜

此句徐圜

已破

後八珍湯加丹皮山萸澤瀉兼滋腎水如虛勞所得
破流臭水敗腐稀膿補托不應者死。

徐曰與腋癰同治。

脇癰應用方

托裏消毒散

見腫瘍門

梔子清肝湯

柴胡清肝湯

俱見疽門

八珍湯

見潰瘍門

鼻痔第五十九

鼻痔者由肺氣不清風溼鬱滯而成鼻內瘰肉結如榴
子漸大下垂閉塞孔竅氣不宣通內服辛夷清肺飲。

外以礪砂散逐日點之。漸化爲水乃愈。兼節飲食。斷厚味。戒急暴。省房慾。庶不再發。

徐曰。此症服藥爲輕。外治爲重。如別有他恙。乃宜

服藥。

辛夷清肺飲

辛夷清肺飲百合甘草升麻及知母

梔芩麥冬生石膏枇杷葉用須去毛

治肺熱。鼻內瘰肉初如榴子。漸大下垂。閉塞孔竅。氣不宣通者。

辛夷 六分

黃芩

山梔

麥門冬

百合

石膏

知母 各一錢

甘草 五分

枇杷葉 三片去毛

升麻

三分

水二茶鍾煎八分。食後服。

徐曰。此症主方。辛夷辛溫。宣散上焦風熱。

硃砂散

硃砂散內用雄黃為末。將來痔上點。

冰片再加輕粉良。鼻中瘰肉自然光。

治鼻生瘰肉。初如榴子。漸大下垂。名為鼻痔也。

硃砂

一錢

輕粉

三分

冰片

五厘

雄黃

三分

右共為末。用草秸咬毛蘸藥。勤點痔上。日用五六次。自然漸化為水而愈。

徐曰。其方甚多。此亦可用。如草薺苦丁鹽梅麝香。

瓜蒂藜蘆甘遂龍骨生砒俱可選用俱可點綿塞亦可。

又曰降藥亦妙。

取鼻痔秘法

先用回香草散連吹二次。次用細銅筋二根。筋頭鑽一小孔。用絲線穿孔內。二筋相離五分許。以二筋頭直入鼻痔根上。將筋線絞緊。向下一拔。其痔自然拔落。置水中觀其大小。用頭胎髮燒灰。同象牙末等分吹鼻內。其血自止。戒口不發。

徐曰。此乃手法。但痔形不一。有根在鼻梁之內。將鼻塞滿。從何處拔。此法不必學。

回香草散

回香草散有奇功。為末共吹鼻痔上。

加上良薑二味同取如拾芥一時通。

回香草高良薑晒乾等分為末。用此先吹鼻痔上。二次。片時許。方行取法。其痔自然易脫。

骨槽風第六十

骨槽風初起。生於耳前。連及腮項。痛隱筋骨。久則漸漸漫腫。寒熱如瘧。牙關緊閉。不能進食。此得於鬱怒傷肝。致筋骨緊急。思慮傷脾。致肌肉腐爛。膏梁厚味。致

膿多臭穢。初則堅硬難消。久則瘡口難合。此二句初

宜艾灸腫頂及耳垂下五分。徐曰不各七壯膏貼以

宜灸

泄內毒餘腫用真君妙貼散敷之。牙關內腫用線針

刺去惡血。冰硼散搽之。使內外毒氣得解。宜服降火

化痰清熱消腫之劑。潰後當托裏藥中加麥冬五味。

外腐者搽玉紅膏。使水升火降。脾健金清。乃愈。又有

外腐不合。虛熱不退。堅腫不消。形焦體削者死。

徐曰。此症以清火消痰爲主。

又曰。此症又有初起並非骨槽。瘡口老膿久變成

骨者。

清陽散火湯

清陽散火湯翹芩
石膏甘草牛蒡子

升麻白芷共防荆
白蒺藜與當歸身

治牙根盡處結腫連及耳項作痛名骨槽風也

升麻

白芷

黃芩

牛蒡子

連翹

石膏

防風

當歸

荆芥

白蒺藜

各一錢

甘草五分

水二茶鍾煎八分食後服

徐曰此亦通治方

中和湯

中和湯中參耆朮
藿香白芍麥門冬

白芷芎歸甘草桔
肉桂還同薑棗入

治前症已經穿潰。流膿臭穢。疼痛不止者。

人參

黃耆

白朮

白芷

川芎

當歸

甘草

桔梗

白芍

各一錢

肉桂

麥冬

藿香

各五分

水二茶鍾。薑三片。棗二枚。臨服入酒一杯。食後服。

徐曰。眾病通用方。

骨槽風應用方

眞君妙貼散

玉紅膏

俱見腫瘍門

冰硼散

見咽喉門

紫白癩風第六十一

紫白癜風。乃一體二種。紫因血滯。白因氣滯。總由熱體風溼所侵。凝滯毛孔。氣血不行所致。皆從外來。初起毛竅閉而體強者。宜萬靈丹以汗散之。次以胡麻丸常服。外用蜜陀僧散搽擦。亦可得愈。

胡麻丸

胡麻丸內用防風
苦參甘草白附子

靈仙石菖獨活同
癩風赤白服有功

治初起皮膚作癢。後發癩風。漸至開大者。

大胡麻

四兩

防風

威靈仙

石菖蒲

苦參

各二兩

白附子

獨活

各一兩

甘草

五錢

右爲細末。新安酒漿泛丸。桐子大。每服二錢。形瘦者。

一錢五分。食後臨臥白滾湯送下。忌動風發物海腥。
煎炒雞鵝羊肉火酒等件。愈後戒百日。

徐曰。此非內症。服藥不能取效。

摺案大胡麻白附子徐圈。

雌雄四黃散

雌雄散用石硫黃
權附共研為末擦

雄雌二黃要相當
紫癩醋調白癩薑

治紫白癩風皮膚作癢。日漸開大。宜用此搽之。

石黃

硫黃

雄黃

雌黃

白附子

川槿皮

谷等分

右為細末。紫癩醋調用。堅槿木毛頭蘸藥擦之。白癩

用薑切開蘸藥擦之。擦後三日忌下湯水。戒食雞鵝
牛羊煎炒海腥火酒等物不復發。

徐曰。此方最切近。他方總不外此。

摺案石黃雄黃硫黃白附子川槿皮徐圈。

肥皯方

皯角

甘松

山柰

日芷

各二錢

蜜陀僧

白附子

樟腦

各一錢

楮實子

菘豆粉

各三錢

右爲細末。用去淨皮弦肥皯一斤搥勻。洗擦患處。日

久自效。

又擦藥方

雄黃

硃砂

各等分
研細末

右用茄蒂蘸擦患處如白癩加蛇殼同擦

紫白癩風應用方

蜜陀僧散

見汗斑門

齒病第六十二

齒病有風有火。亦有陽明溼熱。俱能致之。風痛者。遇風發作。浮腫隨後生痛。以消風散治之。火痛者。則齒根必牽扯腮顴陣陣作痛。時發時止。以冰硼散擦之。出

凡自愈。陽明經溼熱作痛者。腮顴浮腫。甚者牽引太陽。疼連頰項。口中氣熱。大便結燥。宜涼膈散加石膏治之。腫高而軟者。內必有膿。用針刺破。出膿自愈。齒齲腐爛。出血不止者。內服犀角地黃湯。外搽人中白散。又小兒鑽齒疳。牙根尖穿出齒根內外。芒刺嘴唇。作痛。用披針挑破。身齲。以手取去。本牙出血不止。以溼紙換貼二三次。其血自止。必兼戒厚味。其牙復生如舊。

涼膈散

涼膈散中用石膏
黃芩甘草淡竹葉

山梔薄荷共連翹
大黃還宜同朴硝

治陽明經溼熱上攻致牙根腮項作腫多痛者。

連翹

山梔

黃芩

薄荷

錢各一甘草五分

大黃

錢一

朴硝

錢五分

石膏

錢五分

淡竹葉

片三十

右水二茶鍾煎八分入蜜三匙和勻食遠服。

徐曰此牙痛主方惟大黃當酌用。

清中散

清中散用牡丹皮升麻還與山梔子

生地黃連甘草歸胃經積熱皆可醫

治胃經積熱牙齒或牙齦腫痛或牽引頭腦作痛或

面熱耳紅並皆治之。

當歸

黃連

生地

山梔

錢各一丹皮六分

升麻八分

甘草五分

右水二茶鍾煎八分食遠服。

葶撥散

葶撥散用真阿魏牙蟲風溼並堪搽

麝香冰片同研細疼屬陽明勿造次

治風溼蟲牙作腫疼痛如陽明內熱作疼勿用。

葶撥

真阿魏

各二錢

冰片

麝香

各一分

右為細末。每用半豆許。擦放牙根痛縫中。吐去熱涎。溫湯漱之。再搽即愈。內有阿魏。恐防作吐。

相案真阿魏徐圈。此品最難得真者。諸書皆言極臭。此亦言恐防作吐。蓋皆為肆中以胡蒜白偽造。

者所眩。未見真品故也。余有友人貽以塔爾巴哈
臺阿魏精。其色黑中帶黃。並不甚臭。舐之氣味極
清。不作惡心。乃知真品固自不同。江浙去西番萬
里。而肆中所售阿魏乃甚賤。其偽可知。極臭傷胃。
有損無益。勿用可也。

又牙疼方
牙痛方中君葦撥
飛鹽加入更和研
蟾酥川椒共爲末
點上牙根痛如失

葦撥一錢
蟾酥二分
川椒五分
飛鹽三分

右共爲末。用草桔咬毛蘸藥。搽點痛牙根上。

徐曰方太熱烈。

犀角地黄湯

犀角地黄湯芍藥
陽明積熱皆堪服

更兼一味牡丹皮
不獨牙齦血可醫

治陽明積熱。牙齦腐爛。出血不止。及諸吐血衄血嘔血。

犀角 鎊

生地

白芍

牡丹皮

各等分

每五錢水二茶鍾煎八分不拘時服。面色萎黃大便黑者更宜服之。又牙縫中無辜出血者亦妙。

徐曰通治方。

止血四生湯

止血四生湯荷葉
用水二鍾煎一鍾

生艾生地生側柏
血熱妄行皆可醫

生荷葉

生艾

生柏葉

生地黃

各三錢

水二鍾煎一鍾食後溫服臨時入童便一杯更妙。

徐曰此治一應血熱妄行之要方。

齒病應用方

人中白散

見口疳門

消風散

見疥瘡門

腦漏第六十三

腦漏者又名鼻淵總由風寒凝入腦戶與太陽溼熱交蒸而成其患鼻流濁涕或流黃水點點滴滴長溼無乾久則頭眩虛暈不已治以藿香湯主之天麻餅子調之亦可漸愈如日久虛眩不已須補中益氣湯六

味地黃丸

此二方徐勒批曰不切

相間服之。以滋化源。始愈。

楣案王君士雄謂風火外侵。膽熱上移。胃濁上熏。

皆成鼻淵。若腦漏乃本元不固。所流腥水黏而不

稠。煩勞即發。治宜補攝。與鼻淵同流異派。須分別

言之。

奇授藿香湯

古有奇授藿香湯連枝帶葉水煎服

專治鼻淵濁涕長和入公豬膽汁良

治鼻淵黃水濁涕長流。致腦戶虛眩不已。用藿香連

枝帶葉者五錢。水一碗。煎七分。加公豬膽汁一枚。和

勻。食後通口服之。至重者不過三服。如此藥苦甚不

堪服用。藿香末一兩。公豬膽汁熬稠膏為丸。每服二錢。食後白滾湯送下。亦效。

徐曰。此方甚穩。但服者多無效。

腦漏應用方

補中益氣湯

六味地黃丸

俱見潰瘍門

天麻餅子

見頭疼門

破傷風第六十四

破傷風因皮肉損破。復被外風襲入經絡。

此句徐圈

漸傳入

裏。其患寒熱交作。口噤咬牙。角弓反張。口吐涎沫。入陰則身涼。自汗傷處反平。陷如故。其毒內收矣。當用

萬靈丹發汁。令風邪反出。次以玉真散貼之。得膿為效。如汗後前症不退。傷處不高。漸醒漸昏。時發時止。口噤不開。語聲不出者。終為死候。

徐曰。此症總以驅風為主。

玉真散

玉真散內用南星。況有芷麻羌白附。

添上防風用已靈。破傷風藥此為精。

治破傷風牙關緊急。角弓反張。甚則咬牙縮舌。

南星

防風

白芷

天麻

羌活

白附子

各等分

右為末。

三字徐圈

每服二錢。熱酒一鍾調服。

此句徐密點

更敷

傷處。若牙關緊急。腰背反張者。每服三錢。用熱童便調服。雖內有瘀血亦愈。至於昏死心腹尚溫者。連進二服。亦可保全。若治風犬咬傷。更用漱口水洗淨。搽傷處亦效。

徐曰。此專治風入肌膚之藥。以此方爲主。更隨症加減。尤妙。其得竅處在爲末藥。

楣案南星等六味徐俱圈。

又案王君士雄云。古方玉真散止南星防風二味等分。此方一名止血補傷丹。以白附子爲君。宜用

十二兩。餘五味各一兩。俱生曬。勿犯火。研細末。專治破傷風。破傷溼。獠犬齧。及跌打墜壓。刀箭諸傷。雖腎子壓出者。亦可救。但以藥傅傷處。立能止血。定痛。重者溫酒調服。一二錢。青腫不破者。水調傅之。卽效。并不忌風。故爲金刃跌打最妙之方。製備濟人。如遇鬪毆傷者。一藥可全兩命。且其價極廉。已製送多年。無不見效。小兒跌磕。傅之尤便。家家宜備也。

萬靈丹

見腫
瘍門

治破傷風。牙關緊急。角弓反張。時昏時止者。

鎮風散

鎮風散用焙鱧膠
每服二錢和熱酒

杭粉硃砂礬末調
破傷風症可逍遙

治破傷風諸藥不效。事在危急者。用之必應。

鱧膠

切段
微焙

杭粉

焙
黃

皁礬

各一兩
炒紅色

硃砂

三錢
另研

右為細末。每服二錢。無灰熱酒調服。如一切豬羊等風。發時昏倒。不醒人事者。每服三錢。二服即愈。不發外。灸傷處七壯。知疼痛者。乃為吉兆。

徐曰。此方甚別。

又曰。此方之義不解。

跌撲第六十五

跌撲者。有已破未破之分。亡血瘀血之故。且如從高墜。墮而未經損破皮肉者。必有瘀血流注臟腑。人必昏沈不醒。二便必難。當以大成湯通利二便。其人自甦。不醒者。獨參湯救之。此句徐人批曰。尋常墜墮輕者。補住瘀血奈何。以復元活血湯調之。又如損傷骨節筋斷血流不止者。獨勝散止之。次用花蕊石散搽之。又有跌斷骨節等症。另有專門接骨扎縛。此未及詳。

大成湯

大成湯用朴硝黃陳皮厚朴紅花等

蘇木當歸甘草良木通枳殼共煎嘗

治跌撲傷損。或從高墜下。以致瘀血流入臟腑。昏沈不醒。大小便秘。及受杖後瘀血內攻。肚腹膨脹。結胸不食。惡心乾嘔。大便燥結者。

陳皮

當歸

蘇木

木通

紅花

厚朴

甘草

各一錢

枳殼

二錢

大黃

三錢

朴硝

二錢

右水一碗。煎八分。不拘時服。服後一時不行。渣再煎。臨臥服。加白蜜三匙亦妙。

徐曰。此下瘀之方。瘀血不結者不必服。

楣案蘇木徐圈。

調中二陳湯

調中二陳湯防風
紫蘇青皮苓芍枳

蘇木歸耆烏藥芍
檳桔木香紅花同

治前症已服行藥之後當進此藥二三服調之。

陳皮

半夏

茯苓

甘草

紅花

川芎

當歸

白芍

各八分

防風

檳榔

黃耆

桔梗

青皮

烏藥

蘇木

枳實

黃芩

紫蘇

各六分

木香

三分

水二茶鍾。薑三片。棗二枚。煎八分。不拘時服。

徐曰。方雜不可學。此等方皆出于前明不知醫理。

強作解事。如薛立齋一輩人。遂使古聖製方之法。

從此大變。可為長嘆。

獨參湯

獨參一味宜救急昏沈不醒人事者

跌撲金瘡血大出灌之入腹甦可必

治跌撲損傷。或金瘡出血過多昏沈不醒者。人參一兩。切片水二碗。煎一半。不拘時通口服之。渣再煎服。其人自甦。再用渣加川米一合。煎湯溫服。

徐曰。如血出太多一時發暈。或可暫救頃刻。非此不得輕用也。

花蕊石散

花蕊石散麝檀香羌龍白芷蛇含石

乳沒辛蘇烏朴當木降香南星粉霜

治跌撲傷損。及金瘡刀箭兵刃所傷。斷筋損骨疼痛。

不止。新肉不生者。

乳香

沒藥

羌活

紫蘇

細辛

草烏

蛇含石

便煨
二次

厚朴

白芷

降香

當歸

蘇木

檀香

龍骨

南星

輕粉

各二錢

麝香

三分

花蕊石

童便煨七次五錢

右共研極細。罐收聽用葱湯洗淨。用此糝之軟綿紙

蓋扎。一日一換。神效。此藥一時未備。可用多骨疽門

生肌散代之。亦可取效。危急也。

徐曰。此係糝藥。內中多不入糝藥之品。其方甚無

法度另有好方。此等不足取也。只消減去幾味。遂成方矣。

楣案蛇含石蘇木花蕊石徐圈。

玉紅膏

見腫傷門

治跌撲損傷。或金瘡斷損筋骨。已經血止。疼痛作膿。宜葱湯洗淨。用此膏日搽傷處。黑膏蓋之。

金瘡第六十六

金瘡乃刀刃所傷。或有磁鋒割損。淺者皮破血流而已。深者筋斷。血飛不住。皮破者。桃花散糝之。其血自止。

筋斷者。如聖金刀散。糝扎。止而又流者。急用玉紅膏塗傷處。膏蓋骨肉方斷。斯人面色必黃。外避風寒。內忌冷物。終保無妨。有失血過多者。獨參湯。八珍湯。補助為要。此外無法矣。

如聖金刀散

如聖金刀散二礬刀傷破損肌流血

松香細末更須參糝上應知效不凡

治刀刃所傷。皮破筋斷。飛血不止者。用松香淨末七

兩。枯礬生礬各一兩五錢。共為極細末。罐密收。糝傷

處。紙蓋絹扎。止後三四日。必掀痛作膿。換糝生肌散。

三日三次。其疼即止。以後日用葱湯洗之。換搽玉紅

膏。長肉生肌。避風爲要。

桃花散

桃花散可治金瘡
止血消瘀肌肉長

只用石灰與大黃
切宜房事戒無妨

治金瘡出血不止。用石灰半升。大黃一兩五錢。切片

同炒。石灰變紅色爲度。去大黃。篩細糝之。紙蓋絹扎。

止血後。用葱湯洗淨。換搽玉紅膏。長肌收斂。兼戒口

味房事爲要。

金瘡應用方

獨參湯

見跌
撲門

八珍湯

見潰
瘍門

杖瘡第六十七

杖瘡乃良肉受傷。有已破未破之分。已破肌肉者。以清涼拈痛膏敷之。疼腫卽消。未破瘀血內攻者。用針放出內蓄瘀血。此句徐圈再以大成湯下之。便通自愈。如傷處瘀腐已作疼痛者。玉紅膏搽之。自然腐化生新。而愈。至於辱刑重刑難受之時。宜預服鐵布衫丸。方得保身全命也。

鐵布衫丸

鐵布衫丸歸乳沒無名異與自然銅

蘇木地龍兼木鼈救盡人間刑杖厄

治情不由已。事出不虞。受害一身。重刑難免。當預服之。受刑不痛。亦且保命。

自然銅

煨紅醋浸七次

當歸

酒洗搗膏

無名異

洗去浮上

乳香

木鼈子

香油搽殼上灰焙用肉徐曰此是上木鼈

沒藥

地龍

去頭晒乾

蘇木

右八味各等分。為細末。煉蜜丸。如雞頭實大。每服三

丸。預用白湯送下。縱非刑辱拷。可保無虞。

徐曰。定痛之藥。不外此方。更加山羊血。

減半

蝮蛇

膽。少許。蜜化。

犀黃。

減半

冰片。

少許

古錢。

醋煨七次

硃砂為衣。尤妙。

楣案自然銅木鼈子沒藥地龍蘇木徐圈。

散瘀拈痛膏

散瘀拈痛金黃散
石灰清水對麻油

加上三錢樟腦配
通共調敷將紙蓋

治杖後皮肉損破紅紫青斑。掀腫疼痛重墜者。用腫
瘍門如意金黃散一兩。加樟冰三錢碾勻。以白石灰
一升。用水二碗和勻。候一時許。將灰上面清水傾入
碗內。加麻油對分。以竹節攪百轉。自成稠膏。調前藥
稀稠得所。聽用。杖後帶血。不用湯洗。將藥通敷。紙蓋
布。扎夏月一日。冬月二日。方用葱湯淋洗乾淨。仍再
敷之。痛止腫消。青紫即退。傷重者。另搽玉紅膏完口。

大成湯

見跌
撲門

治杖後瘀血內攻。肚腹膨脹。惡心便秘者。

珍珠散

見下
疔門

治杖瘡已經長肉平滿。惟不生皮。用此搽之。

竹木刺第六十八

竹木刺乃外入之患。有軟硬之分。淺深之異。軟淺者。以針頭撥見刺形。拔出則愈。硬深難出者。用螻蛄搗爛塗上一時許。其刺自然吐出。取去則愈矣。

花蕊石散

治竹木刺傷腫痛流膿。以葱湯洗淨。用此糝之。

楣案竹木刺與金刃杖傷一類。原本在漆瘡之後。今移于此。

湯潑火燒第六十九

湯潑火燒。此患原無內症。皆從外來也。有湯火熱極。逼毒內攻。又有外傷寒涼。致毒入裏。外皮損爛者。以清涼膏粟殼膏塗之。毒氣入裏。煩躁口乾。二便秘澀者。四順清涼飲下之。泡破珍珠散搽之。自愈。

四順清涼飲

四順清涼飲。赤芍。當歸。甘草。山梔等。

防風。羌活。共連翹。大黃。加上熱堪消。

治湯潑火燒。熱極逼毒入裏。或外被涼水所浸。火毒。

內攻致生煩躁。內熱口乾。大便秘實者。

連翹

赤芍

羌活

防風

當歸

山梔

甘草

各一錢

大黃

炒二錢

水二茶鍾。燈心二十根。煎八分。食遠服。

徐曰。此症原不必服藥。或傷重有引病。則隨症施

治。

鷲粟膏

鷲粟膏醫湯火燒。將疑加上真輕粉。

麻油白蠟共煎熬。塗於患上痛隨消。

治湯潑火燒皮肉損爛。疼苦掀熱。起泡流水者。麻油

四兩。鷲粟花十五朶。無花以殼代之。浸油內煎枯瀝。

清將油再入杓內。下白蠟三錢熬化。傾入罐內。待四邊將凝時。下真輕粉細末二錢攪勻。水內頓冷取起。臨用將泡挑破。用抵腳挑膏。手心中捺化。搽患上。軟綿紙蓋。扎日換二次。其疼即止。次日將軟帛浥淨腐皮。再搽之。自愈。

徐曰。此方須預備。一切爛瘡皆妙。

珍珠散

見下疳門

治湯潑火燒腐皮已盡。疼痛已止。用此糝即愈。前杖瘡門中石灰水調麻油成膏。即清涼膏也。搽湯潑火

燒亦效。

楣案湯火傷良方甚多。陸進士以泔冷廬雜識載以秋葵花浸麻油。藏磁器內。勿見水。愈久愈佳。用塗傷處。立時止痛。獲愈。最爲簡便。此方兼治一切熱毒瘡。全生集載以地榆末浸香油調塗。仍以乾末糝之。亦妙。

甲疽第七十

甲疽者。或因甲長侵肌。或因修甲損傷良肉。或靴鞋窄小。俱能生之。其患努肉裹上指甲。腫痛異常。難於步

履初宜三品一條槍貼努肉上。此句徐×化盡自愈。批曰大犯日久努肉堅硬須冰蠅散化之後用珍珠散糝上必瘥。

楣案全生集甲疽方用狼毒一兩。生黃耆二兩。醋浸一宿。入豬脂五兩。微火上煎取二兩。絞去渣。退火氣。以封疽口。日易三度。毒消口斂。

甲疽應用方

三品一條槍

見療癰門
此方徐×

珍珠散

見下
疔門

繭屑第七十一

繭脣乃陽明胃經症也。因過食煎炒炙燂。又兼思慮暴急。痰隨火行。留注於脣。初結似豆。漸大若蠶繭。突腫堅硬。甚則作痛。飲食妨礙。或破而流血。久則變為消渴。消中難治之症。初起及已成無內症者。用麻子大艾炷灸三壯。此句徐圈批曰頑瘡可灸貼蟾酥餅膏。蓋日久漸消。內症作渴者。早服加減八味丸。午服清涼甘露飲。以滋化源。日久流血不止。形體瘦弱。虛熱痰生。面色黧黑。腮顴紅現。口乾渴甚者。俱為不治之症。

清涼甘露飲

清涼甘草飲犀角黃芩生地麥門冬

銀柴茵陳兼石斛知母枇杷葉枳殼

治膏梁所釀。暴怒所結。致成繭脣。高突堅硬。或損破流血。或虛熱生痰。或渴症久作。

犀角

銀柴胡

茵陳

石斛

枳殼

麥門冬

甘草

生地

黃芩

知母

枇杷葉

各一

水二茶鍾。淡竹葉燈心各二十件。煎八分。食後服。

徐曰。此方甚穩切。

繭脣應用方

加減八味丸

見遺瘍門

蟾酥餅

見疔瘡門

痞癖第七十二

痞癖皆緣內傷過度氣血橫逆結聚而生初起腹中覺
有小塊舉動牽引作疼久則漸大成形甚者翕翕內
動斯時必氣血衰弱飲食減少內服阿魏化痞散外
貼乾坤一氣膏祛邪養正自可全安

阿魏化痞散

阿魏化痞散川芎
鼈甲酥炙大黃炒

歸朮赤苓蕎麥紅
調末服用酒一鍾

川芎

當歸

白朮

赤茯苓

紅花

阿魏

鼈甲尖

酥炙研
各一錢

大黃

酒炒
入錢

蕎麥麪

一兩
微炒

右共為末每服三錢空心好酒一茶鍾調稀服三日

後腹痛。便出膿血為驗。忌生冷腥葷等件。

徐曰。此亦通治之方。但胃薄者阿魏不能入口。

梟案阿魏。鼈甲尖。大黃。蕎麥。麩。徐圈。

又案徐言胃薄者阿魏不能入口。亦由未見真阿

魏故也。說見前。

乾坤一氣膏

一氣膏用真阿魏
草巴附甲續靈元

歸芷蓬稜生熟地
乳沒鼈麝二芍桂

此膏專治痞疾。毋論新久立效。又治諸風癱瘓。溼痰

流注。各樣惡瘡。百般怪症。男子夜夢遺精。婦人赤白

帶下。又男女精寒血冷。久無嗣息者。並貼之。

當歸

白附子

赤芍

白芍

白芷

生地

熟地

穿山甲

木鼈肉

巴豆仁

葶麻仁

三棱

蓬朮

五靈脂

續斷

肉桂

元參

各一兩

乳香

沒藥

各一兩二錢

麝香

三錢

真阿魏

二兩切薄片聽用

右用香油五斤。除乳沒麝魏外。餘皆入油浸。春三夏

五秋七冬十。期畢。桑柴火熬至藥枯。細絹濾清。每淨

油一斤。配飛丹十二兩。將油入鍋內。下丹。槐枝攪令

成膏。掇下鍋來。用水盆坐聽。漸下阿魏片。泛化已盡。

方下乳沒麝香。再攪勻。乘熱傾入瓷罐內。分三處盛之。臨用湯中頓化。痞病紅緞攤貼。餘病綾絹俱可攤之。有腫者對患貼之。男子遺精。婦人帶下。患貼丹田。諸風癱瘓。貼腎俞穴。並效。

徐曰。此治痞之專方。

天蛇毒第七十三

天蛇毒一名蛇頭疔。乃心火旺動攻注而成。其患指大若蛇頭。赤腫掀痛。甚者疼至連心。寒熱交作。或腫痛延上。宜用小艾灸五壯。以雄黃散塗之。內服蟾酥丸。

發汗解毒。輕者漸消。腫者潰膿。甚則腐爛。破後腫仍
不消者。以蟾酥條插入孔內。膏蓋自效。腐爛者。玉紅
膏搽之。虛而不斂者。兼服補劑。

雄黃散

雄黃散內用蟾酥
四味同研為細末

冰片還將輕粉和
水調患處日三塗

治天蛇毒初起。紅腫發熱。疼痛徹心者。

雄黃

明亮者
二錢

蟾酥

二分
微焙

冰片

一分

輕粉

五分

共為細末。新汲水調塗。紙蓋。日用三次。極效。

徐曰。此乃專治此毒之方。

楣案蟾酥徐圈。

天蛇毒應用方

蟾酥丸

見疔瘡門

玉紅膏

見腫瘍門

頭痛第七十四

頭痛者。風火溼痰四者皆能致之。又楊梅瘡毒上攻。或婦人產後梳洗當風太早。亦能致之。名曰頭風。宜用後方。毋論病之新久。受之真似並效。

天麻餅子

天麻餅子二烏芎全蝎雄黃白附子

細辛蒼朮芷防風更入薄荷與甘松

治頭痛因風火溼痰上攻。及楊梅瘡毒所致。兼治頭目昏眩。項背拘急。肢體煩痛。肌肉蠕動。耳哨蟬鳴。鼻

塞多嚏。皮膚頑麻。瘙癢癰疹。又治婦人頭風作痛。眉
棱骨疼。牙齒腫痛。痰逆惡心。

天麻

草烏

湯泡
去皮

川芎

細辛

蒼朮

甘草

川烏

湯泡
去皮

薄荷

甘松

防風

白附子

去
皮

白芷

各五
錢

雄黃

全蝎

各三
錢

右爲細末。寒食麪打糊。搗稠如寒豆大。捏作餅子。每
服二三十餅。食後細嚼。葱頭湯送下。屬火熱痰痛者。
茶湯下。甚者日進二服。忌諸般發物。

徐曰。此方治寒毒頭風之症。藥味雖峻厲。而與病

情頗切。此唐人之遺法也。

圈。楣案天麻草烏細辛川烏白附子雄黃全蝎徐皆

又案頭風最能損目。余見一人頭風痛甚。兩目皆
盲。徧求良醫不效。有鄉人教以用十字路口及人
家屋腳邊野苧菜煎湯注壺內。塞住壺嘴。以雙目
就壺薰之。日漸見光。竟得復明如舊。附著于此。亦
單方之一也。

三聖散

三聖散用鬧揚花
不論頭風偏與正

紅槿樹花楓子肉
葱酒一杯調末服

治男婦頭痛不論偏正新久。但夏月欲重綿包裹者並效。

鬧楊花

淨末
一錢

槿樹花

淨末
一錢

大楓子肉

去油
五分

共研。每服六分。葱酒調服。洗浴發汗自愈。

合谷毒第七十五

合谷疔。俗稱虎口百了。此患多有疙瘡泡起。亦有紅絲走上。故有疔名乃手陽明胃經溼毒攻注。癢熱掀疼。初起挑破。貼蟾酥餅膏蓋。金黃散敷之。三日後腫聚。必欲作膿。換膏貼之。軟腫脹痛者。膿已成。針之即愈。

腫甚寒熱者必內外消托。

徐曰。此症與疔毒同治。

又曰。紅絲盡處以針針出少血為妙。

合谷毒應用方

如意金黃散

見腫瘍門

蟾酥餅

見疔瘡門

鼻出血第七十六

鼻中出血。乃肺經火旺。逼血妄行。而從鼻竅出也。外用

紫土散敷顛頂上。內服羚羊清肺湯亦可自止。

徐曰諸血

亦同

治

羚羊清肺湯

羚羊清肺湯柴芍
蒲薈梔連生地藕

元參石膏地骨皮
白茅甘草併芎歸

治鼻中無故出血不止及尋常吐血咳血並效。

羚羊角

銖黃連

銀柴胡

元參

石膏

川芎

歸身

白芍

生地

蒲黃

地骨皮

山梔

各一錢

蘆薈

甘草

各五分

藕節

三箇

白茅根

四兩搗汁用水
一碗和絞去渣

用茅根汁一大碗煎七分入童便一杯食後服。

徐曰此方凡為肺熱皆宜但亦當審擇不可全用

蘆薈太苦不必用。

又曰。茅根一味足矣。

楣案余繼室自幼患鼻衄症。來歸後無歲不發。甚者耳日口鼻俱溢出。至淡黃色始止。凡外治內治之法。無不歷試。每發必先額上發熱。鼻中氣亦甚熱。近二十年來。每覺鼻熱。余以喻嘉言清燥救肺湯投之。二三劑後。卽覺鼻中熱退。不衄。或投之少遲。雖發亦不過略見微紅。蓋此方最清肺胃之熱也。惟人參一味。余用西洋參。或加鮮生地。勢已定。則用乾生地。附記以備醫者臨症酌用。

又案喻氏於此方。自言不用一苦藥。恐苦從火化也。此製方妙處。醫者勿妄加減爲妥。

紫土散

紫土散爲從治法
火酒調敷顙頂上

無端鼻衄此方求
自然血止不須憂

治鼻中無辜出血不止。用傾銀紫土新罐碾細。以火酒調敷顙門上。其血自止。此從治之法也。

徐曰。外治亦通。

牙縫出血第七十七

牙縫血出。陽明胃經實火上攻而出也。又有胃虛火動。腐爛牙齦。以致淡血常常滲流不已。實火宜服清胃

散。并用棟果裘塞之。虛火宜服蘆薈丸。并用人中白散。搽之自愈。

清胃散

清胃散中用石膏丹皮加上升麻好

芩連生地共和調陽明胃熱即時消

治胃經有熱。牙齒或牙齦作腫。出血不止。

黃芩

黃連

生地

丹皮

升麻

石膏

各一錢

水二茶鍾煎八分。食後服。

徐曰。陽明實火方。

楣案升麻徐圈。

棟果裘

治陽明胃經實火上攻。血從牙縫流出。用棟樹果二箇。連肉核搗爛。絲綿包裹。先用溫湯漱淨瘀血。塞於牙縫內。其血自止。

徐曰。亦外治方。

牙縫出血應用方

蘆薈丸

人中白散

見口疳門

血箭血痣第七十八

血箭出於心經火盛。逼血從毛竅出也。血痣出於肝經

怒火鬱結。初起色紅如痣。漸大如豆。指之血流。治血
箭以桃花散涼水調敷。或金墨塗之。自止血。痣須用
冰蠟散枯去本痣。以珍珠散搽之。生皮乃愈。血甚者。
內服涼血地黃湯。兼戒口味始痊。

涼血地黃湯

涼血地黃湯黃連
加上元參功更倍

當歸甘草山梔全
無辜出血即安然

治血箭血痣。內熱甚而逼血妄行。出血如飛者。

黃連

當歸

生地

山梔

元參

甘草

各等分

水二茶鍾煎八分量。病上下服之。

徐曰涼血方用處頗多。

又曰以上諸症俱當外治

血箭血痣應用方

桃花散

見跌撲門

冰蠶散

見癩癧門

珍珠散

見下疳門

外科正宗卷十終